

**PRO LIBERTATE
STATUS ET
REIPUBLICAE
VENETORUM
GALLOFRANCI...**

Girolamo Vendramin



DISQVVSITIONES

Controuerfiarum

INTER PAVLVM V.

SVMMVM PONT.

AC

VENETAM REMPVBL.

Vertentium.

HIERONYMI VENDORAMENI, SACERD.

is, Theologi, ac Parochialis Ecclesia Sancti Mauriti,

Venetiarum Rectoris.

AD SVMMVM CARDINALIVM S. R. E.

COLLEGIVM.



VENETIIS. Apud Robertum Meietum. M. DC. VII.

Superiorum Permissu.

DISCOVISTIONER

CONSTITUTION

INTERPRAVIMUS

IN VIM

IN VIM

Venerabilis

IN VIM

IN VIM

IN VIM

COLLECTIO

IN VIM

IN VIM

Sacrofancto ac Venerabili

CARDINALIVM

S. R. E. COLLEGIO.

NIERONYMVS VENDRAMENVS,
Sacerdos, ac Theologus, S. P. D.



*C*um plurimorum, ex sacrofancto illo, ac Venerabili purpuratorum patrum Collegio, prodeant singulis ferè diebus noua ad Remp. Venetam Paraneses: responsiones, ad cuiusdam incogniti auctoris propositiones, ac tandem sententia quadam, contra Veneta Reipubl. Episcopos; In quibus, ob ignorationem instituti, ac rationum eiusdem Reipublic. cum multa non tam procacia, quam falsa inserantur, indigna certe tantorum virorum auctoritate, & doctrina, ac praesertim tua Illustrissime Baroni, qui vnus contra ius fasque omne, sanctissima Reipubl. religionem, ac integritatem visus es & afficere, & insectari. opera precium existimauit, ad vos Ecclesia lumina, discipulorum Christi, successores, ac Summi Pontificis veros ac legitimos electores, disquisitiones hasce meas, dirigere, non censurarum, sed controuersiarum qua inter Sum. Pont. ac Venetam Rempubl. intercedere, & quibus censura illa omnes videntur innixa, vobisque sanctissimè, ac religiosissimè viris, eas dicare, & committere, eo certe consilio vt & Veneta Reipubl. integritas, ac sanctimonia vobis magis ac magis innotescat, & ijs qui deinceps vestrum hac de re sunt aliquid vel scripturi, vel acturi, maius lumen & ad scribendum, & ad agendum appareat, ijs vero qui iam scripserunt, (nostris disquisitionibus perspectis) ad sua scripta in melius & corrigenda, & reformanda stimulus accedat. Excipite quaso per Deum immortalem, ac Christi Domini sacratissimum sanguinem vos precor atque obtestor, hasce meas disquisitiones (donec & disputationes com-

pleam) legite, considerate, perpendite; medelam, non Maieſtati temporali
 veſtra, ſed Eccleſia ac animarum ſaluti, querite & adhibete. Vos D.O.M.
 ſpeculatores in ſacraſſima illa ſpecula conſtituit, ſpeculamini qua
 villia ſunt gregi, non nocua, aut diſpergentia.
 Hac ſatis. Valete.

Data Veneris, Calendis Septembris 1606.

QUESTIO





QVAESTIO GENERALIS

An satis iustæ causæ moueant Paulum
V. Sum. Pontif. ad sæuiendum nunc
tam dirè contra Venetos, Anathe-
matis, ac Interdicti mucronibus.

*Ad quatuor controuersias redacta atque à Reuer. D. Hieronymo Vèndrameno,
Sancti Mauritij Venetiarum Plebano, ad meliorem omnium intelli-
gentiam explicata atque discussa.*

Præfatio.

NON possum persuaderi Venetæ Reipublicæ sanctissimas leges, quas ab ipso omnium legum fonte, Deo, credibile est emanatas (nō enim est potestas nisi à Deo) vnquam esse posse satis rationabiles causas, propter quas tantopere, cōtra Venetos patres, Romani Pontificis nunc desecutant ac debacchentur iræ.

Existimabam certe, dum summum in terris Christi Vicarium audirem, Venetis minitari, arma spiritualia intentare, iam ipsos Venetos à Christi fide defecisse, Diui Petri patrimonium occupasse, Vrbes, castella, agros, Romanæ ditioni subiectas, obsedisse, diripuisse, vastasse, quæ communis omnium erat certe opinio, qui causas tantæ excauescentiæ penitus ignorarent.

Verum cum Venetam Remp. animaduertem religiosissimā, illamque ab ipso Urbis exordio, quam semel hausit, ac accepit Christi seruatoris hominum semper seruasse, ac retinuisse fidem, à qua tanto temporis spatio, plurima regna, prouinciæ multæ, orbis ferè vniuersus, partim defici, partim vacillari, visa sunt. Hæc autē sola ad Virginis Deiparæ exemplū, quam mirificè colit ac veneratur, nūquam defecit, vacillauit nunquam. Et certe toto terrarū orbe, vbicūque est yezæ religionis, saliquis cultus & cognitio, vbi maiori veneratione, frequentia, pompa, pietate, ipsa religio splendet ac dilatur, quā Venetis? Vbi frequentiora tēpla, vbi sacella, vbi cœnobija, xenodochia, mirum non dicerem, plures esse Deo dicatas ædes Venetiis, quam sunt priuatorum ciuium sedes. hoc semper Venetæ Reipub. patribus, peculiare fuit, Urbem suam religione potius, quā ipfis mōnibusingere, quæ religiose.

rum familię, Venetiis, non reperiuntur? quibus operibus pietatis est destituta Venetorum ciuitas? religiosi viri, nullibi in maiori veneratione. Clerum vnice diligunt, qui in nouem congregationes diuisus, nouem Angelorum imitatur choros. Sacerdotibus quibus animarum est demandata cura quanta tribuunt Veneti, vel ex eo maxime apparet quod ipsorum patentibus litteris, summam vbique adhibet fidem sine quibus, nec vivere, nec mori se bene arbitrantur: quibus, si cum eis esse, aut incedere aliquando contingat patritij sere omnes, tum Seniores ipsi, non nisi honorificentiores sed et, partesque concedunt, quod moris est Venetiis, omnibus Sacerdotibus concedere, quanto autem cum animi affectu aras Veneti colant, tēpla frequentent, sacrificijs missarum intersint, non solum festis, sed singulis sere diebus qui propriis oculis non vidit, vix credere potest. nullus sollemnis hic intra annum agitur dies, qui paschatis dies non censeatur, tanta est vbique Venetiis, ex summo infimoque genere hominum multitudo, quę Sacramento penitentię purgata, celesti pane relictu: ac recreatur. Omitto reliqua penę innumera virtutis operaz, ex quibus Venetorum pietas ac Religio maxime apparet. Illud non omittā, Venetos patres sanctam Dei Ecclesiam, toto terrarum orbe diffusam, maxima ex parte tueri ac sustentare. Prætereo veteraz, satis nota est Alexandri tertij Pontificis historia; naualis victoria apud Echinadas insulas contra turchas habita, Venetis tribuenda; notunt Venetorum araria.

Noua sunt, illaque præsentia, quę singulis sere diebus Veneti pro Republica Christiana præstant ac moluntur, quod oppidum est, quę ciuitas in extensis licet nostrę Hesperię partibus constituta, à barbarorum incurribus, ac furore satis tuta? Romę certe Ciuitati, Pontifici ipsi esset timendum, nisi Veneta classis assidue Italię ora circumcuraret, prædones turchas, ceterosque Christiani nominis hostes, pyratas arceret, ac propulsaret. Maritima vastę Illyridis littora, Macedonię, Insulę in Epyri, Peloponnelique conspectu, Ionio, Egæoque mari, à natura ipsa dispositę ac collocatę, Venetorum præsidiis, arcibus quam munitissimis instructę, quanta cum impensa, dici non potest, quid aliud sunt, nisi Italię, Orbisque Christiani vniuersi, castra ipsa, ac propugnacula? excubias certe agunt Veneti assiduas, pugnant pro castris, reprimunt hostes, dormiunt occidentales Principes, ac populi tuci, hostesque à longe audiunt, non vident.

Propugnaculum memorabile in Fori Iulij partibus nuper extructum, Palmam vocant, quantam Christiani nominis habeant sollicitudinem Veneti ostendit. minabatur toti Italię impius Hassan Bassa, magni Turcarum Regis, summus exercituum Imperator, iamque Italiam animo conceperat, Italię opibus mirum in modum inhiabat, Romam vouerat Mahometi impio dicare, si vnquam voti compos effectus, Italia potiretur, neque multis millibus passuum ab Italia aberat, quando prouida Venetorum patrum cura, de communi bono sollicita, propugnaculum illud summis impensis ausa, italos principes qui iam animo conciderant, in spem erigit, à metu Italiam liberat vniuersam, quid plura? nota est Venetorum pietas ac religio, argumentis nullis opus. Summum Pontificem, quanti faciant Veneti dictu incredibile, opes, vitam ipsam, effundere, pro summo Ecclesię sanctę capite non minus paratos Venetos inuenies, quam principes reliquos omnes. Quas vnquam Romę Pontificis, salutares litteras Veneti, vel obsignarunt, vel non acceptarunt? indulgentias omnes, ab ipso Pontifice profectas, vtiuam Romani, tanta cum pietate exciperent, quanta Venetos, excipere, ac colere videmus.

Hęc igitur & alia pene infinita, cum de Venetorum pietate ac religione animaduertere, credere non possum, Venetę Reip. patres sapientissimos, quibus pro libris sunt

sunt Principum Orbis vniuersi, leges atque gesta, Senatus Academia, qui optime norint quid quaque in re rationi consentaneum, quidue repugnans sit: præterquã quod in his quæ ad religionem attinent, nõ suam, sed doctorum virorum Theologorum, Iurisperitorumque consultiõrum, sententias ad vota exquirunt: modo tam misere, aut deliquisse, aut aberrasse. Quæ igitur causæ tantæ furoris exandescunt, contra Venetos religiosissimos? Respiciantissimam Deum bone, patientem, hæc ulterius progredi, tuam inconstilem tunicam scindit, haud equidem, nisi forsã, Orbi vniuerso, vltimum statuisti interitum.

Venetæ Reipub. Leges sanctissimas, aiunt, aniam tanti furoris, Romano Pontifici præbere, quippe quæ libertati Ecclesiæ, ac summorum Pontificum decretis, repugnent, ac contradicant: quæ verba quæ blasphemiz? Venetæ leges, rationi consentaneæ, et a naturæ legibus depromptæ, sacris scriptoris innixæ, sanctorum patrũ auctoritate roboratæ, Ecclesiæ libertati, aut summorum Pontificum decretis contradicere aut repugnare? Altio rem intelligentiam hæc exposcunt quam quæ hætenus dicta sunt. Vercor ne huiusmodi leges, aut probè intelligantur, aut certe, etsi intelligantur, aliud quippiam Summam Pontificem colore male latarum legum à Venetis exposcere ac velle: nec enim satis iustæ causæ videatur, nisi esse leges Venetæ, præsertim quæ modo in controuersia sunt, cur tantopere Romanus Pontifex deficiat, quæ certe & antiquissimæ sunt, & ab ipsarum institutione omnibus ferè Summis Pontificibus cognitæ, necnon taciturnitate diuturna permixtæ ac comprobatæ.

Adde quod non solum Venetiis, verum vbicunque est religionis aliquis cultus & obseruantia, apud exteras nationes, prouincias, & vrbes huiusmodi leges reperiuntur ac vigent. quæ enim ciuitas, quod oppidum, etiam antequam Veneto sub iacerent Imperio, vel apud ipsos Dalmatas reperitur, quæ huiusmodi leges non habeat?

Clemens VIII. qui paulo ante Paulum hunc præcessit, nonne lege cautum reliquit, ne Deiparæ Lauretanæ Domus qua nihil toto terrarum orbe sanctius, valeat deinceps, aut emere, aut acquirere, priuatorum hominum agros, vel bona, propter easdem sane causas, quæ & Venetos multo ante ad idem statuendum impulerunt? conciliari hæc non possunt, idem omnino statuunt Veneti & Pontifices, Pontificum decreta sancta iudicantur, Venetorum blasphemiz & anathemata?

Sed ad rem ipsam accedamus, quamuis nunc potius eligerem in extremo aliquo Orbis terrarum angulo merens, lugensque delitescere, quam difficultates ac controuersias huiusmodi examinare, verum quoniam & veritati, & Sanctæ Dei Ecclesiæ plurimum debeo, pro communi bono, ac maiori difficultatis elucidatione, inuocato iam septies Spiritus Sancti numine inter Missarum sacrificia, pro septiformi eiusdem Spiritus Sancti gratia, quid mihi hac in re verissimum videatur aperiam, legelque ipsas & causas, quæ Summum Pontificem inoueant ad sic defendendum contra Venetos examinabo: quas leges si requissimas esse ostendam, diuini Legi consentaneas, sacris eloquiis, Sanctorum scriptis, rationi ipsi, proculdubio quoque ostendam, illas neque libertati Ecclesiæ, neque Pontificum decretis vllomodo aduersari, vel derogare, nisi forsã, hæc inuicem pugnent & aduersentur: quod quidem si contigerit, minora cedant maioribus, Pontificum decreta sacris scripturis, Ecclesiasticorum libertas Deo.

O quam bene Vniuersalis Ecclesie parens efficeret, si pugnancia inter se loca conciliaret, diuinoque eloquio Summorum Pontificum decreta submitteret & accommodaret; quod quidem & æquius & laudabilius esset, quam in dubiis tantos tumultus atque scandala excitare. Venetiis certe vel lippis & tonforibus ista patient, neque enim rationis particeps quispiam est qui Reipublice Venetæ partes, ac rationes non approbet. Sed age causas malorum aggrediamur.

Inter alia pene infinita nullus iam ante annis apud Venetos patres, pro felici suæ Reipublicæ statu non minus sanctè, quam prudenter sancita, atque semper ad hanc usque diem summa cum religione ab eisdem seruata, quatuor modò in controuersia posita, (totius controuersie Summo Pontifice auctore) nobis examinanda se offerant: faxit Deus ut quemadmodum recta cum intentione hæc disputatur, ita à quibus legentur, aut audientur, parè cum intentione intelligantur.

Controuersia prima.

De Ecclesiarum seu aliorum piorum locorum erectione.



Primum quidem obiicit se nobis lex anno Domini millesimo trecentesimo trigesimo septimo, duodecimo Calendas Iulias, lata in maiori Venetorum Concilio, qua lege postea, subsequentibus temporibus pluries tum in eodem maiori concilio, tum in Senatu ipso, & confirmata & explicata, expresse cauetur ne quis, inconsultis patribus, cuiuscunque ordinis ac status hominum existat Venetiis, noua monasteria erigat, xenodochia condant, templa ædificet, vel quæuis alia sacella, aut domos instituat, quò hominibus pateat concursus.

Quæ lex, quoniam multis Venetiis egredi non videbatur, immerito certe, lex enim imperantis Urbis, quæ conditur ciuibus, condi etiam videtur subditarum Urbium, ac prouinciarum populis, tamen pro maiori etiam subditarum ciuitatum, ac populorum intelligentia, visum est eiusdem Reipub. patribus anno Domini supra millesimum sexcentesimo tertio, quarto Idus Ianuarij, illam etiam extendere ad omnes Prouincias & Ciuitates Venetæ ditioni subiectas.

Hac lege, quæ tati furoris & anathematis causa est; nescio quid sanctius aut laudabilius excogitari potuit: vel hinc enim Venetæ Reipublicæ, summa religionis sollicitudo apparet: optimi enim Principis est, ciues suos non solum in his quæ ad corporis vitamque pertinent tueri; verum etiam in his quæ ad religionis perfectionem atque mores attinent. Non enim prohibent Veneti, ne huiusmodi operantur, quæ singulis serè diebus Venetiis, magis ac magis per quam honorifica cre-scant, partim publica, partim priuatorum ciuium impensis, non tamè sine publico aliquo adiumento; nullus enim vnquam Principem Venetum adiit in sacrarum ædium, seu aliorum piorum operum structuram ad suffragia postulandum, qui inde non donatus rediit. Maiora certe, & plura post latam legem, illaque magnificentiora Tempia consurgunt Venetiis, quam vnquam ante ullam huiusmodi legem, testes huius rei, non alios, nisi templa ipsa, ac Monasteria adhibeo, atque in primis templum Christo Redemptori, graui pestilentia ciuitate liberata, ex Senatus voto dicatum, atque à fundamentis ad rectum fastigiumque usque perductum; tum deinde Tempia ac Monasteria familie Dijsi Francisci à Paula, Sancti Nicolai de Tolentino, quo nihil magnificentius, Diui Bonauenturæ, familie Sancti Francisci de Obseruantia, Xenodochium ipsum Mendicantium, quod & opera & frequentia maxime creuit tum vel in primis pietate ac ope Domini Bartholomæi à Calice;

Calice; opera certe fabricorū ē manibus nondū erepta. Quā igitur ratione prohibēt Veneti, ne huiusmodi opera fiāt? credendū hoc de Venetorū pietate nephās prohibēt autem & merito, ne aliquis inconsultis ipsis huiusmodi opera moliantur.

Male enim cum summa Venetorum religione ageretur, peius cum incredibili eorum in administrandis rebus publicis prudentia, si cuiuscunque generis ac religionis hominibus liceret Venetiis, vel alibi, ubi Veneti vigent Imperia, huiusmodi opera moliri, aut efficere; quod sane si liceret, etiam ipsi Machometani mercatores, quorum Venetiis semper magnus numerus, & ædes & Moschæas suo Machometi dicatas haberent; quod idem & aliis impiis hominibus contingeret; qui à vera Christi religione alieni vndique mercaturæ causā Venetiās confluant. quæ enim gens, quæ natio Venetiis non reperitur? antipodas ipsos hinc frequenter aspiciamus, nihil dico de his qui personatas facies habent, ac vestibus ouium amicti, lupinos mores, ac naturam occultant. Venentur quidem Veneti, ne, si cuiusque pro arbitrio suo liceret huiusmodi templa, domos, vel alia similia construere, Venetias non amplius Venetias religiosissimas, sed Babylonem impiissimam futurā.

Accedit adhuc & illud non contemnendum, crescunt singulis ferè diebus nouæ religionum familiar, Veneto nomini infestis fautores habent, Venetias confluant, Venetæ ditionis Provincias, Vrbes, Castella percurant; Venetis itaque non timendum præsertim si prope atres, vel mœnia huiusmodi templa, vel domos ædificent, sciunt quid faciunt Veneti, nec enim sine causa suas leges condunt.

Quid si concedatur, huiusmodi familias sanctissimas esse, soli Deo vacare, nullius partes sequi; adhuc tamen non bene concederetur illis facultas, hæc & alia pro ipsorum arbitrio ubicunque illis placuerit moliri; occuparent enim frequentiores Urbium partes, nobiliores plateas, sedes meliores, Vrbes ipsas, quæ huiusmodi familiarum, non ciurbus constarent, quod à ratione & instituto ciuitatum est valde alienum, constant enim Vrbes ciuibus, non religionum tantum familiarum, priuatorum ciuium sedibus, non solis Templis, aut aliis huiusmodi machinis & operibus, ciuibus Principes imperant ac Reges, his verò ciues obtemperant, atque munia omnia, quæ ad conseruandas Vrbes, & Regna attinent, diligenter curant, à quibus oneribus & subiectione religiosi viri exemptos se esse gloriantur.

Templa item, Monasteria, Xenodochia sine ciuibus esse non possunt, ciues verò sine nimia eorum multitudine, possunt. Naturæ ordinem peruerteret, qui ciues ex Urbibus pelleret, domos ciuium euerteret, atque intra Vrbes, templa, monasteria, xenodochia & alia huiusmodi erigeret, quæ in solum ciuium commodum, & bonum non in exitium, institui, atque erigi debent, quod quàm absurdum, quàmque inmane sit, nemo non videt.

Tolleret itē de medio Principes atque Reges, quibus Deus Optimus Maximus huius Orbis Imperia atque Regna concessit. *Per me reges regnant, clamat Dei sapientia* Pro. octauo, & infra, *Per me Principes imperant.* Diuinus item Vates Daniel ad Nabuchodonosor Regem, inquit, *Deus cæli dedit tibi Regnum, & Imperium.* omnium autem clarissime Diuus Paulus ad Romanos, *omnis anima potestatibus sublimioribus subdita sit, non enim est potestas nisi à Deo, quæ autem sunt à Deo ordinatae sunt.* Quo loco Ioannes Chrysostomus, non enim, inquit, Christus Dominus venit ad euertendam, Regum atque Principum politicam administrationem, sed ad confirmandā, quod ex Matthæi Euangelio perspicue patet, Vbi Christus, seruator hominum aperte iubet, esse reddenda, *quæ sunt Cæsaris Cæsari, quæ Dei, Deo.*

Omnis autem hic ordo & diuina plane dispositio rueret, si Principes auferantur, auferentur autem, si Vrbes tollantur, hæc vero tolluntur, si ex ipsis ciues

pellantur, quibus sublatis, Reges quoque atque Principes tolli necesse est, qui sine ciuibus ac Urbibus esse non possunt, quia omnia tunc fieri continget, cum Urbes inuitis Principibus, templis, monasteriis, xenodochiis, ac ceteris huiusmodi operibus, replebuntur.

Sileant, igitur, nec enim audiendi sunt, quicunque inuitis Principibus, hæc posse effici, contenderint. *Dei enim ordinatio resistit*, inquit Diuus Paulus, *qui potestati resistit*.

Dicant quæeso contra hanc legem sentiunt, inuitis Principibus non dum sacro baptisinate initiis, licet ne huiusmodi opera in ipsorum regnis, aut citra eas, moliri non eadem: quia igitur ratione Venetis, aut alibi sub Venetæ ditionis Imperio, inuitis eiusdem Republ. patribus, hæc fieri licet, non nisi forsar deterioris conditionis est Christianorum Principum esse è numero, quam non esse.

Nullibi certe Apostolos Domini, quos ipse ad prædicanda vitæ æternæ documenta in Orbem vniuersum legauit, hæc inuitis Principibus, fecisse legimus, quod certe, neque ipse Seruator hominum Christus vnquam effecisset, voluntas enim, libera est, neque vlllo modo cogenda.

Aliena certe rapere videtur, qui inuitis Principibus, hæc moliri conatur; Principes item iure suo priuat, qui Ecclesiastico priuilegio gaudens, etiam si locos sua pecunia emat, cum ibi templa, domos, vel alia similia ædificat: priuatorum enim ciuium bona, cum destituuntur, Principum bona sunt, tunc enim in ius Naturæ redeunt, quæ autem Naturæ sunt, Principum sunt, quibus Deus regna & imperia concessit.

Sed si quis & contra leges, vel Principes male agat, vnde vitam & bona perdere mereatur, non ne Principis est eum vita, vel bonis priuare? illaque vel cui ei libuerit concedere, vel certe in fiscum, seu in publicum ararium redigere? Ius ergo aliquod Principes habent in priuatorum ciuium bona, neue illud, inconsultis ipsis, ad alios Principes transferri possit, iure optimo leges eis condere licet, non possunt iure hoc Principes priuari, nisi contra diuinæ iustitiæ præceptum, hoc aliquis tueri conatur.

Huc spectant & illa haud contemnenda, licet Principibus obfidionis ac belli temporibus, euertere funditus monasteria, templa, & cetera huiusmodi opera, prope muros, vel arces extructa, vnde hostibus vires, & occasio acius hæc oppugnandi possent accedere, non alia sane de causa, nisi quia Principes, Natura tunc eis facultatem præbente, bonorum etiam quibus Ecclesiæ gaudent, Principes sunt, arce enim in quibus huiusmodi opera extant, vel sunt, Principum sunt. Sed de hac lege hæcenus, satis enim quæ dicta sunt, patent, ad vltiora progrediantur.

Contre-

Controuersia secunda.

De Bonis Sacularium conseruandis ne ad Ecclesiasticos deuoluantur.



Aliterum in controuersia positum est, lex anno Domini millesimo trecentesimo trigésimo tertio lata in maiori Venetæ Reipublicæ Concilio; qua lege sapientissimis eiusdem Reipubl. patribus iam ex tunc cauere vultum est, (cum grauitè sua araria, atque suorum ciuium, & subditorum bona imminui animaduertèrent ne Ecclesiasticis quibuscunque, tam Venetiis, quam in Ducatu vt aiunt existentibus, possit in futurum aliquod stabile seculare aut donari aut relinqui in perpetuum, quam in decennium, quo elapso, iubetur illud esse vendendum, ac pecunias Ecclesiasticis apud se retinendas.

Ad quam legem postea anno Domini millesimo quingentesimo trigésimo sexto, pridie Calendas Ianuarij, cum alijs et odij essent sua, si cui nunc subditorum iura ac bona deperdi, atque paulatim omnia ad Ecclesiasticos diuenire cum maximo Reipublicæ lux ac subditorum suorum damno, visum est eiusdem Reipublicæ patribus item in suo maior Concilio addere & illas Nere in posterum audeat aliquis testamento legare, seu in perpetuum donare bona item peruentura generis cuiuscunque Venetiis seu in ipso Ducatu posita, seu quouenit alio modo, ea obligare in perpetuum, ad pios vsus & causas, seu ad longuam tempus quam ad annos duos, quibus elapsis iubentur decem sapientes ad decimas exigendas deputati, lege eadem, si qua huiusmodi bona contigerit, legari, donari seu obligari plusquam ad annos duos, ex voce præconis vendere ac pecunias quas inde retraxerint ad Procuratores Dni Marci deferre, qui adhibitis quorum interest, tenentur de his iuxta voluntatē eius, qui ea tradidit aut reliquit disponere & ordinare.

Tandem anno Domini millesimo sexcentesimo quinto, septimo Calendas Aprilis, ad supra expositas leges, duo alia, videntur à Senatu Venetæ Reipublicæ adiecta, quæ non tam diuersa ab expositis legibus, quam earundem explicantiis, seu interpretantiis sunt, quorum vnum est, leges easdem, non solum Venetiis, & in Ducatu, verum etiam vbicunque locorum Venetæ ditionis, ab omnibus debere & adimpleri, & seruari. Alterum est, ne quis inconsulto Senatu, vb. pis. sub Venetico Imperio existat, audeat quouis modo, aut colore disponere de supra expositis bonis, nisi modo & ratione, qua in ipsa lege seu legis potius interpretatione præscribitur.

Hæc summa præclarissimarum legum, hic tenor diuinarum plane ordinationis, hæc leges controuersiarum, hæc alteræ Anathematum causæ. Circa quæ, & si aperte constat, ex his, quæ paulo supra diximus, quæ mea sententiâ sit, tamen hoc loco,

& planius, & fusius quid sentiam explicabo.

A Natura enim, cuique tributum videmus, (quæ autem à Natura sunt, à Deo ordinata censeantur,) ut se suaque tueri, vnumquoque, & possit & debeat. Quod enim genus animalium, vel infimum reperitur, quod pro se suisque tuendis, non labore pugnans enim pro nidulis suis aves, apes pro alveolis, animalia quæque rationis expertia pro victu, homines igitur, rationis participes, hoc Naturæ bonum, tam sanctum, tamque iustum contemnant? quod certe, & si homini cuique proprium est, nullus enim hominum est, qui se suaque non tueatur, suas enim leges & æconomias habet, & quæ interdum in tuendis suis, & Persica & Laconica, & Attica ratione vtendum, Principibus vero, atque his qui Politicam administrationem exercent, hoc non tantum proprium, quam conaturale videtur.

Est enim Principatus atque administratio Politicæ adeo naturalis, & necessaria hominum generi, ut tolli non possit, quin Naturæ ipsa tollatur, homines enim inter animalia omnia societatem appetunt, à Natura enim est homo animal sociale, nam cum vnus homo sibi non sufficit ad omnia, necesse est ut simul viuant, & vnus alium adiuvet, homo enim eget homine tam in his quæ ad vnius cuiusque sustentationem & vitam conferunt, quam in his quæ ad hostium ac ferarum impetus infringendos spectant.

Ad hæc autem omnia bene, ac tute exercenda, Rectore opus habet hominum genus, qui & multitudinem continere, & bonum commune eiusdem curare, atque conservare valeat, quem Rectorem, seu *Potestatem* ut verbis Apostoli utar, non nisi à Deo acceptam immediate credendum, consequitur enim necessario Naturam hominis, quæ autem à Natura sunt, ab eo sunt qui Naturam instituit: Potestas igitur hæc de iure Naturæ est, non enim pendet ex consensu hominum, nam velint, nolint homines, debent regi ab aliquo, nisi velit tuere hominum genus quod nullo modo dicendum: at Ius Naturæ, est Ius diuinum, iure igitur diuino introducta est Gubernatio Politicæ, atque hominum generi per quam necessaria.

Debent igitur Principes, atque Politicæ disciplinæ Magistratus, iure Naturæ ac proinde diuino, non solum se, suasque tueri, verum etiam sibi subditos ciues, ac populos, eorumque res ac commoda, quibus cum & leges condere liceat, cælitus ad hoc illis data facultate, iuxta illud Proverbiorum octauo, *per me reges regnant, & legum conditores iusta decernunt*, legibus quoque ad hæc eadem custodienda, & tuenda, prospiciendum, neue misere dissipentur, atque ad alienos transferantur, summo opere elaborandum, quod certe cum omnibus Principibus, atque Rebus publicis peculiare esse debeat, tum vel in primis Venetæ Republicæ, ad quam, non tantum sui Imperij pondus, & sollicitudo, sed etiam Ecclesiæ Protectio spectat: Quæ enim ratione Veneti, si sua suorumque ciuium ac populorum bona male dissipentur, Ecclesiæ Dei libertatem, Italicæ tranquillitatem ac tandem sui decus, contra communes hostes, satis commode conservare, ac tueri poterunt? cauent itaque iure optimo, ne suorum ciuium ac populorum bona in Ecclesiasticos transferantur. O nunquam satis laudandam Venerorum patrum in condendis suis legibus prudentiam. O admirandam eorundem in custodiendis rebus tum publicis, tum priuatis vigilantiam.

Norunt optimè Veneti, Principes tum fortunatos ac felices esse, cum fortunarum ciuium ac populorum principes eos esse contigerit, fortunatos autem ciues ac populos esse, quando amplissimis fortunis ac bonis omnibus, sub bono Principe abundant, sicut & contra eos Principes miserandos esse, immo non Principes sed priuatis ciuibus deteriores qui inter squalientes turbas ac populos positi, eorum

sanguinem ac bona sugunt.

Equidem si Princeps aliquis, pro communi totius Ecclesie Sanctæ bono; diues ac potens esset optandus, is certe Venetus, ac Veneta Respublica deberet esse. Hæc certe Romani Pontifices omnes, hanc ceteri Orbis Christiani principes & protegere, & iuuare deberent.

Nullus enim Christianorum principum est, qui in tam angustis sui Regni finibus, maiores impensas, ac apparatus bellicos pro communi Ecclesie Sanctæ bono, aut sustineat aut efficiat, quam Veneti sustinere ac efficere videntur. Dalmatiae etenim Urbes, Macedoniar, Epyri Insulae, Ioniar, Egeique maris detrimendo potius sunt quam vtilitati Venetæ Republicæ, quæ quidē semper exstauriunt, nunc quæ replent Venetorum ætaria, quemadmodum & maritima classis, ad quam sustentandam singulis anni temporibus, non pro pyratice exercenda, aut pro mercibus hinc inde asportandis, sed pro communi omnium Christianorum ac Ecclesie Sanctæ bono, quingenta millia aureorū non sufficiunt. Nihil dico de expensis, quas Veneti patres singulis fere diebus sustinent nō paucas, tū domi, tū foris in alendis de sua Republica omnis generis benemeritis hominibus, eorumque gnatis ac nepotibus, in extirpandis extoribus, in egenorum subleuatione, ac in aliis fere sexcentis huiusmodi pietatis operibus.

Vnus quidē Arsenalis vt vocāt impense, (quo nihil terrarū Orbe, nec magnificentius, nec oportunius, nec Christiani nominis hosti formidabilius, aut esse, aut excogitari potius) satis magnæ causæ deberēt esse Venetis, non quidē ad cōseruanda tuendaque sua, suorūque subditorū ac ciuium, Verū etiā vt principes Christiani omnes, tū vel in primis Romanus Pontifex, eis & suffragetur, & opituletur. Quā melius ad sexcēta millia aureorū, quæ singulis fere annis Veneti impendūt in hoc armamētario, pro cōstruendis triremibus, ac ceteris bellicæ disciplinæ apparatibus, esset addere alia sexcēta millia, de Ecclesie redditib. quod forsā & laudabilius, & Deo gratius esse posset, quā velle nūc easdē impēsas aut imminuere, aut infringere.

Quid cum Christiano Orbe ageretur, si impius Turcarum Imperator cum trecentis, vel quadringentis triremibus armis ac militibus bene instructis, Italas Urbes, seu principes aggrediretur, Venetis vel permittentibus, vel quiescentibus; vnquam Christianorum principum, non certe si omnes fœdere arctissimo simul colligarentur, triremesq; omnes & Romanas, & Ethroscas, & Liguras, & Hispanas, & Siculas, & Melitenses, & Neapolitanas vnā congregarent, satis essent, nisi Venetæ triremes ac machinæ accedant ad reprimendos & profligandos huiusmodi hostium apparatus ac vires; probationibus non est opus, sensibus ipsi patet, Armamentarium Venetum solum satis esse posse ad reprimendos cuiuscunque Turcarum classis impetus; apparatusque bellicos qui inibi conseruantur, etiam si omnes alii deficiant, solos sufficere ad quamcunque pedestrem classem instruendam, etiam si quingentorum millium hominum numeretur. Hoc in afflictissima Ecclesie Sanctæ tempora conseruare, hoc fouere, hoc sustentare Romani Pontifices deberent, non diruere. vt modo facere videntur, qui enim Venetis temporale dominium auferre intendit, hic Christianam Rempublicam, necessario auxilio ac ope priuat, illamque funditus euertere, non conseruare conatur.

Sed hæc ad ostēdendum id quod intendimus probabilia, validiora adducamus.

Duo mihi videntur necessaria, ad hoc vt leges politicæ & rectæ & rationi consentaneæ esse dicantur.

Alterum est vt res super quibus feruntur, sint mere politicæ & temporales.

Alterū vero, vt finis propter quem ferūtur, sit bonum commune, ac Republicæ.

necessarius nullius malum per se intēdens. Ex quibus duobus, atque ex rebus quidem, tanquam ex obiecto, ex fine vero, tanquam ex modo considerandi res omnes & distinguī & appellari necesse est.

Hæc duo insupra enumeratis legibus, reperiri, clarius est quam ut argumentis ostendatur. Quis enim nō videt passio, agros, domos, & cetera huiusmodi, secularium personarum, esse necesse temporalia, & politica? super quibus non nisi politicum Principem, qualis Veneris est, oportet & leges ferre, & dominari, quemadmodum & in his quæ necesse spiritualia sunt, quales sunt gratia, potestas clauū, prophetia, sacramenta, sacrificia, & omnes alij effectus, qui proueniunt ex his, non nisi Ecclesiasticam ac spiritualem.

Differunt enim inter se res temporales, & spirituales, potestas Ecclesiastica, & potestas Politica. Hæc in temporalibus versatur, illa in spiritualibus, neutra suos fines egredi debet, nec ea quæ sunt alterius occupare.

Optime certe hac in re Hugo de Sancto Victore libro secundo de Sacramentis parte secunda cap. quarto. *Terrena, inquit, Potestas, caput habet Regem; Spirituales habet Summum Pontificem.* Multo clarius Ioannes Driedo libro secundo de libertate Christiana cap. secundo. *Christus, inquit, cum praeceperit Petrum Vniuersali Ecclesia pastorem, nō simul dedit illi Imperium temporale super vniuersam Ecclesiam, neque enim ab illius Imperatoribus & Regibus sua regna, neque stem voluit vniuersam potestatem Regalis, perinde ac Ecclesiastica debeat derivari & descendere ex potestate Petri.* Habetur idem & in epistola Athanasij, ad eos qui solitariam vitam agunt. In qua Hosius episcopus ait Imperatori, *Tibi Deus Imperium, nobis autem ea quæ sunt Ecclesia, Christus commisit.* Confessio-
ne ipsa Pontificum, in hac re nihil clarius Gelasius Papa in epistola ad Anastasij Imperatorem, quæ habetur etiam in Decreto distincte nonagesima sexta, Can. duo sunt. *Duo sunt, inquit, Imperator. Argyste, quibus principaliter mandus hic regitur, auctoritas sacra Pontificum, & Regalis potestas.* & Gregorio libro secundo, epistola sexagesima prima ad Mauritium. *Potestas, inquit, super omnes homines Dominorum meorum pietati celsius data est.* & clarissime Nicolaus in epistola ad Michaelē, nolite præiudicium Dei Ecclesie in rogare illa quippe nullum Imperio vestro præiudicium infert, & infra. *Idem mediator Dei, & hominum, homo Christus Iesus, sic actibus propriis, & dignitatibus distinctis officia potestatis vtriusque discreuit, ut Christiani Imperatores pro æterna vita Pontificibus iudicarent, & Pontifices pro cursu temporalium tantummodo rerum Imperialibus legibus intererent.*

Ex his aperte constat has duas potestates inter se differre.

Quod autem neque vna alteri possit derogare, id cum de temporali potestate constat, de Spirituali probatur.

Ex Nicolao supra, quidquid Imperatores habent à Christo dicit eos habere, quo posito queritur, aut potest Summus Pontifex auferre à Regibus, & Imperatoribus, hanc auctoritatem & potestatem, tanquam Summus ipse Rex & Imperator, aut non potest? potest, ergo est maior Christo, si non potest ergo verè nō habet potestatem Regiam, quod si non habet, non potest, nec temporali auctoritati Principum atque Regum derogare.

Quod Alexander Tertius, qui optime, qui & quanta sit Reipublicæ Venetæ auctoritas, est expertus capiti duobus, §. Denique extra de Appellationibus. facti non est veritus, quō cum interrogaretur an Appellatio à Iudice seculari ad Papam teneat, responderet. *Tenet qui dem in his, quæ sunt nostra temporalia, in his solvenda sub-*

Et in cap. causam, secundo, extra qui filij sint legitimi. Nos attendentes, inquit,

quod

quod ad Regem pertinet, non ad Ecclesiam de talibus possessionibus iudicare, & similia.

Innocentius Tertius, non est praterendus qui cap. Novit de Indic. apud Bellar. tomo 1. cont. de Rom. Pont. libro 5. capit. 3. cum iurisdictionem, inquit, propriam non sufficimus explorare, cum alienam usurpare velimus; quibus verbis Pontifex aperte negat Temporalem iurisdictionem, in Regno Francorum sibi esse assumendam, ut à sua iurisdictione alienam. & non multo infra, non intendimus, inquit, iudicare de Feudo, cuius ad ipsum spectat iudicium, sed de cernere de peccato, cuius ad nos pertinet sine dubitatione censura.

Pulcherrima sunt illa, quæ idem Innocentius cap. solite, extra de maiestate & obedientia, dicit, in hanc sententiam, Ad firmamentum, inquit, Cæli; hoc est Universalis Ecclesia fecit Deus duo luminaria magna, id est duas insulas dignitates, quæ sunt Pontificali auctoritas, & regalis potestas, sed illa quæ præest diebus, id est spiritualibus maior est, quæ vero carnalibus minor, & quanta est inter Solem, & Lunam, tanta inter Pontifices, & Reges differentia cognoscitur.

Oportunitas certe locus ad ostendendum, satis accommodato exemplo id quod intendimus, non enim est idem Sol & Luna, differunt enim inter se, & motu & lumine, neque Lunam instituit Sol sed Deus, ita quoque dicendum est non esse idem Pontificalem & Imperialem auctoritatem, nec unam ab alia absolute pendere. Quod si Luna in lumine à Sole dependat, id non est simpliciter, & in esse à Sole dependet, sed secundum quid, in esse autem utraque dependet à primo movente, id est Deo: simili modo dicendum est Reges, atque Principes, quatenus Christiani sunt à Pontifice, in spiritualibus quæ lumini comparantur dependere, simpliciter autem & in esse & quatenus Principes sunt à Deo, à quo & Regum & Imperia immanitate acceperunt.

Idem Innocent. cap. per Venerabile, extra qui filii sint legitimi, dicit Pontificem solum in patrimonio Ecclesie plenam habere in temporalibus potestatem, in aliis vero regionibus non item. & ibidem, cum Rex, inquit, superiorem in temporalibus neminem recognoscat sine iuris alterius laesione, in eo se iurisdictioni nostræ subiacere patuit, in quo videtur aliquibus, quod per se ipsum, non tanquam pater cum filiis, sed tanquam Princeps cum subditis potuit dispensare. Tu autem non eris aliis subiacere unde sine ipsorum scilicet iniuria nisi preestarent vobis assensum, in hoc subdere, te non posses. Plura in hanc sententiam possent adduci, sed brevitatis causa, praterantur.

Ad hæc omnia ratio accedit: Principes sacro fonte non abluti, sunt veri & supremi Principes suorum Regnorum, his enim Deus in utroque testamento, approbat Regna & Imperia. Tu es Rex Regum, inquit Daniel ad Nabuchodonosor Regem. Dan. secundo. & Deus Cæli dedit tibi Regnum & Imperium, & Matthæi viginti secundo, implemet Dominus, cum Cæsari præcipit esse reddenda, quæ Cæsari sunt, quid aliud facit nisi Cæsaris, & aliorum Principum ac Regum, Regna & Imperia approbare? reddite, inquit, quæ sunt Cæsari, Cæsari, & quæ Dei Deo. Vellent hic obiter observari, verbum reddite, vim enim habet, reddite, non donate, quæ sunt Cæsari Cæsari, id est quæ iure illi debentur, non enim redduntur, nisi ea quæ alterius sunt, pertinent huc & illa quæ Divus Paulus ad Romanos scribit, reddite omnibus debita, cui tributum, tributum, cui vectigal, vectigal, ubi etiam propter conscientiam, debet obedire Principibus Ethnicis, qui si non essent veri Principes, in conscientia non teneremur illis obedire, sunt igitur veri & supremi Principes suorum Regnorum.

In quorum Regnis Summus Pontifex, non habet, nec dominium, nec auctoritatem temporalem, quod vel ex eo maxime patet, quia si haberet, Regna infidelium

DISPOSITIONS

CONSTITUTION

INTERPRETATION

OF THE

NEW YORK

REVENUE

AND FINANCE

OF THE

STATE OF

NEW YORK

PRINTED BY

JOHN P. KANE

Sacrosancto ac Venerabili

CARDINALIVM

S. R. E. COLLEGIO.

NIERONYMVVS VENDRAMENVVS,
Sacerdos, ac Theologus, S. P. D.



M plurimorum, ex sacrosancto illo, ac Venerabili purpuratorum patrum Collegio, prodeant singulis fere diebus nona ad Remp. Venetam Paraneses: responsiones, ad cuiusdam incogniti auctoris propositiones, ac tandem sententia quadam, contra Veneta Reipub. Episcopos; In quibus, ob ignorance instituti, ac rationum eiusdem Reipublic. cum multa non tam procacia, quam falsa inserantur, indigna certe tantorum virorum auctoritate, & doctrina, ac praesertim tua Illustrissime Baroni, qui vnus contra tus, fasque omne, sanctissima Reipubl. religionem, ac integritatem visus es & afficere, & insectari. opera precium existimaui, ad vos Ecclesia lumina, discipulorum Christi, successores, ac Summi Pontificis veros ac legitimos electores, disquisitiones hasce meas, dirigere, non censurarum, sed controuersiarum qua inter Sum. Pont. ac Venetam Rempub. intercedere, & quibus censura illa omnes videntur innixa, vobisque sanctissimis, ac religiosissimis viris, eas dicere, & committere, eo certe consilio vt & Veneta Reipubl. integritas, ac sanctimonia vobis magis ac magis innotescat, & ijs qui deinceps vestrum hac de re sunt aliquid vel scripturi, vel acturi, maius lumen & ad scribendum, & ad agendum appareat, ijs vero qui iam scripserunt, (nostris disquisitionibus perspectis) ad sua scripta in melius & corrigenda, & reformanda stimulus accedat. Excipite quaso per Deum immortalem, ac Christi Domini sacratissimum sanguinem vos precor atque obtestor, hasce meas disquisitiones (donec & disputationes com-

pleam) legite, considerate, perpendite; medelam, non Maieſtati temporali
 veſtra, ſed Eccleſia ac animarum ſaluti, quarite & adhibete. Vos D.O.M.
 ſpeculatores in ſacraſſima illa ſpecula conſtituit, ſpeculamini qua
 villia ſunt gregi, non nociua, aut diſſergentia.
 Hac ſatis. Valete.

Data Venerijs, Calendis Septembris 1606.

QUESTIO



QVAESTIO GENERALIS

An satis iustæ causæ moueant Paulum
V. Sum. Pontif. ad sæuiendum nunc
tam dirè contra Venetos, Anathe-
matis, ac Interdicti mucronibus.

*Ad quatuor controuersias redacta atque à Reuer. D. Hieronymo Vendrameno,
Sancti Maurity Venetiarum Plebano, ad meliorem omnium intelli-
gentiam explicata atque discussa.*

Prefatio.

NON possum persuaderi Venetæ Reipublicæ sanctissimas leges, quas ab ipso omnium legum fonte, Deo, credibile est emanatas (nō enim est potestas nisi à Deo) vnquam esse posse satis rationabiles causas, propter quas tantopere, cōtra Venetos patres, Romani Pontificis nunc desequant ac debacchentur iræ.

Existimabam cet. te, dum summum in terris Christi Vicarium audirem, Venetis minitari, arma spiritualia intentare, iam ipsos Venetos à Christi fide defecisse, Dñi Petri patrimonium occupasse, Vrbes, castella, agros, Romanæ ditioni subiectas, obsedisse, diripuisse, vastasse, quæ communis omnium erat certe opinio, qui causas tantæ exardescentiæ penitus ignorarent.

Verum cum Venetam Remp. animaduertirem religiosissimā, illamque ab ipso Urbis exordio, quam semel hausit, ac accepit Christi seruatoris hominum semper seruasse, ac retinuisse fidem, à qua tanto temporis spatio, plurima regna, prouinciæ multæ, orbis ferè vniuersus, partim defici, partim vacillari, visa sunt. Hæc autē sola ad Virginis Deiparæ exemplū, quam mirificè colit ac veneratur, nūquam defecit, vacillauit nunquam. Et certe toto terrarū orbe, vbicūque est veræ religionis aliquis cultus & cognitio, vbi maiori veneratione, frequentia, pompa, pietate, ipsa religio splendet ac dilatatur, quā Venetiis? Vbi frequentiora tēpla, vbi sacella, vbi conobia, xenodochia, mirum non dicerem, plures esse Deo dicatas ædes Venetiis, quam sunt priuatorum ciuium sedēs. hoc semper Venetæ Reipub. patribus, peculiare fuit, Urbem suam religione potius, quā ipsis mœnibusingere, quæ religiose

rum familie, Venetiis, non reperiuntur? quibus operibus pietatis est destituta Venetorum ciuitas? religiosi viri, nullibi in maiori veneratione. Clerum vnice diligunt, qui in nouem congregationes diuisus, nouem Angelorum imitatur choros. Sacerdotibus quibus animarum est demandata cura quanta tribuunt Veneti, vel ex eo maxime apparet quod ipsorum patentibus litteris, summam vbique adhibere fidem sine quibus, nec vivere, nec mori se bene arbitrantur: quibus, si cum eis esse, aut incedere aliquando contingat patritij sere omnes, tum Senatores ipsi, non nisi honorificentiores sed et, partesque concedunt, quod moris est Venetiis, omnibus Sacerdotibus concedere, quanto autem cum animi affectu aras Veneti colant, tēpla frequentent, sacrificijs missarum intersint, non solum festis, sed singulis fere diebus qui propriis oculis non vidit, vix credere potest. nullus solemnitis hic intra annum agitur dies, qui paschatis dies non censeatur, tanta est vbique Venetiis, ex summo infimoque genere hominum multitudo, quæ Sacramento penitentiæ purgata, celesti pane rehitur: ac recreatur. Omitto reliqua penè innumera virtutis opera; ex quibus Venetorum pietas ac Religio maxime apparet. Illud non omitta, Venetos patres sanctam Dei Ecclesiam, toto terrarum orbe diffusam, maxima ex parte tueri ac sustentare. Prætereo vetera; satis nota est Alexandri tertij Pontificis historia; naualis victoria apud Echinadas insulas contra turchas habita, Venetis tribuenda; notunt Venetorum araria.

Noua sunt, illaque præsentia, quæ singulis fere diebus Veneti pro Republica Christiana præstant ac moliantur, quod oppidum est, quæ ciuitas in extremis licet nostræ Hesperie partibus constituta, à barbarorum incurribus, ac furore satis tuta? Romæ certe Ciuitati, Pontifici ipsi esset timendum, nisi Veneta classis assidue Italix ora circumcursaret, prædones turchas, ceterosque Christiani nominis hostes, pyratas arceret, ac propulsaret. Maritima vastæ Illyridis littora, Macedoniæ, Insulæ in Epyri, Peloponnesique conspectu, Ionio, Egæoque mari, à natura ipsa dispositæ ac collocatæ, Venetorum præsidij, arcibus quam munitissimis instructa, quanta cum impensa, dici non potest, quid aliud sunt, nisi Italix, Orbisque Christiani vniuersi, castra ipsa, ac propugnacula? excubias certe agunt Veneti assiduas, pugnant pro castris, reprimunt hostes, dormiunt occidentales Principes, ac populi tui, hostesque à longe audiunt, non vident.

Propugnaculum memorabile in Fori Iulij partibus nuper extructum, Palmam vocant, quantam Christiani nominis habeant sollicitudinem Veneti ostendit. minabatur toti Italix impius Hassan Basha, magni Turcarum Regis, summus exercituum imperator, iamque Italiam animo conceperat, Italix opibus mirum in modum inhiabat, Romam vouerat Mihometi impio dicare, si vnquam voti compos effectus, Italia potiretur, neque multis millibus passuum ab Italia aberat, quando prouida Venetorum patrum cura, de communi bono sollicita, propugnaculum illud summis impensis ausa, italos principes qui iam animo conciderant, in spem erigit, à metu Italiam liberat vniuersam, quid plura? nota est Venetorum pietas ac religio, argumentis nullis opus. Summum Pontificem, quanti faciant Veneti dictu incredibile, opes, vitam ipsam, effundere, pro summo Ecclesiæ sanctæ capite non minus paratos Venetos inuenies, quam principes reliquos omnes. Quas vnquam Romapi Pontificis, salutare litteras Veneti, vel obsequantur, vel non acceptarunt? indulgentias omnes, ab ipso Pontifice profectas, vnam Romani, tanta cum pietate exciperent, quanta Venetos, excipere, ac colere videmus.

Hæc igitur & alia pene infinita, cum de Venetorum pietate ac religione animaduertet, credere non possum, Venetæ Reip. patres sapientissimos, quibus pro libris sunt

sunt Principum Orbis vniuersi, leges atque gesta, Senatus Academiae, qui optime norint quid quaque in re rationi consentaneum, quidue repugnans sit: præterquã quod in his quæ ad religionem attinent, nõ suam, sed doctõrum virorum Theologorum, iurisque vtriusque consultõrum, sententias, & vota exquirunt: modo tam misere, aut deliquisse, aut aberrasse. Quæ igitur causa tanti furoris exandescen-
tix contra Venetos religiosissimos? Rempub. sanctissimam? Deus bone, patiens ne, hæc ulterius progredi, tuam inconfutilem tunicam scindas: haud equidem nisi for-
san, Orbis vniuerso, vltimum statuisse interitum.

Venetæ Reipub. Leges sanctissimæ, aiunt, ansam tanti furoris, Romano Pontifi-
ci præbere, quippe quæ libertati Ecclesiæ, ac summorum Pontificum decretis, repugnent, ac contradicant: quæ verba quæ blasphemix? Venetæ leges, rationi con-
sentaneæ, & naturæ legibus depromptæ, sacris scripturis innixæ, sanctorum patrũ auctoritate roboratæ, Ecclesiæ libertati, aut summorum Pontificum decretis con-
tradicere aut repugnare? Altiorẽ intelligentiam hæc exposcunt quam quæ hætenus dicta sunt. Vercor ne huiusmodi leges, aut probe intelligan-
tur, aut certe, etsi intelligantur, aliud quippiam Summum Pontificem colore
male lacerum legum à Venetis exposcere ac velle: nec enim satis iustæ causæ vi-
dentur, nisi esse leges Venetæ, præsertim quæ modo in controuersia sunt, cur
tantopere Romanus Pontifex debeat, quæ certe & antiquissimæ sunt, & ab ipsa-
rum institutione omnibus ferè Summis Pontificibus cognitæ, necnon taciturni-
tate diuturna permixtæ ac comprobatæ.

Adde quod non solum Venetiis, verum vbicunque est religionis aliquis cultus
& obseruantia, apud exterarum nationum, prouincias, & vrbes huiusmodi leges repe-
riuntur ac vigent. quæ enim ciuitas, quod oppidum, etiam antequam Veneto sub
iacerent Imperio, vel apud ipsos Dalmatas reperitur, quæ huiusmodi leges non
habeat?

Clemens VIII. qui paulo ante Paulum hunc præcessit, nonne lege cautum re-
liquit, ne Deiparæ Lauretanæ Domus qua nihil toto terrarum orbe sanctius, va-
leat deinceps, aut emere, aut acquirere, priuatorum hominum agros, vel bona, pro-
pter easdem sane causas, quæ & Venetos multo ante ad idem statuendum impu-
lerunt? conciliari hæc non possunt, idem omnino statuunt Veneti & Pontifices,
Pontificum decreta sancta iudicantur, Venetorum blasphemix & anathemata?

Sed ad rem ipsam accedamus, quamvis nunc potius eligerem, in extremo aliquo
Orbis terrarum angulo interens, loquensque delitescere, quam difficultates ac con-
trouersias huiusmodi examinare, verum quoniam & veritati, & Sanctæ Dei Eccle-
siæ plurimum debeo, pro communi bono, ac maiori difficultatis elucidatione, in-
uocato iam septies Spiritus Sancti numine inter Missarum sacrificia, pro septiformi
eiusdem Spiritus Sancti gratia, quid mihi hac in re verissimum videatur aper-
iam, legesque ipsas & causas, quæ Summum Pontificem moueant ad sic deservien-
dum contra Venetos examinabo: quas leges si æquissimas esse ostendam, diuini
Legi consentaneas, sacris eloquiis, Sanctorum scriptis, rationi ipsi, proculdubio
quoque ostendam, illas neque libertati Ecclesiæ, neque Pontificum decretis vllò
modo aduersari, vel derogare, nisi forsan, hæc inuicem pugnent & aduersentur:
quod quidem si contigerit, minora cedant maioribus, Pontificum decreta sacris
scripturis, Ecclesiasticorum libertas Deo.

Calice; opera certe fabrorū ē manibus nondū erepta. Quā igitur ratione prohibēt Veneti, ne huiusmodi opera fiant credendū hoc de Venetorū pietate nephas. prohibent autem & merito, ne aliquis inconsultis ipsis huiusmodi opera moliantur.

Male enim cum summa Venetorum religione ageretur, peius cum incredibili eorum in administrandis rebus publicis prudentia, si cuiuscunque generis ac religionis hominibus liceret Venetiis, vel alibi, ubi Veneta vigent Imperia, huiusmodi opera moliri aut efficere, quod sane si liceret, etiam ipsi Machometani hierototes, quorum Venetiis semper magnus numerus, & aedes & Moschæarum suo Machometi dicatas haberent, quod idem & aliis impiis hominibus contingeret; qui vera Christi religione alieni vndique mercaturæ causā Venetiās conflouunt, quæ enim gens, quæ natio Venetiis non reperitur, antipodas ipsos hic frequenter aspiciamus, nihil dico de his qui personatas facies habent, ac vestibus ouium amicti, lupinos mores, ac naturam occultant. Venentur quidem Veneti, ne, si cuiusque pro arbitrio suo liceret huiusmodi templa, domos, vel alia similia construere, Venetiās non amplius Venetiās religiosissimas, sed Babylonem impiissimam futurā.

Accedit adhuc & illud non contemnendum, crescunt singulis ferè diebus nouæ religionum familiarum, Veneto nomini infestos fautores habent, Venetiās conflouunt, Venetæ ditionis Provincias, Vrbes, Castella percurant, Veneti itaque non timendum præsertim si propere arces, vel mœnia huiusmodi templa, vel domos adificantes sciunt quid faciunt Veneti, nec enim sine causā suas leges condunt.

Quid si concedatur, huiusmodi familias sanctissimas esse, soli Deo vacare, nullius partes sequi, adhuc tamen non bene concederetur illis facultas, hæc & alia pro ipsorum arbitrio ubicunque illis placuerit moliri; occuparent enim, frequentiores Urbium partes, nobiliores plateas, sedes meliores, Vrbes ipsas, quæ huiusmodi familiarum, non ciuibus constarent, quod à ratione & instituto ciuitatum est valde alienum, constant enim Vrbes ciuibus, non religionum tantum familiarum, priuatorum ciuium sedibus, non solis Templis, aut aliis huiusmodi machinis & operibus, ciuibus Principes imperant ac Reges, his verò ciues obtemperant, atque munia omnia, quæ ad conseruandas Vrbes, & Regna attinent, diligenter curant, à quibus oneribus & subiectione religiosi viri exemptos se esse gloriantur.

Templa item, Monasteria, Xenodochia sine ciuibus esse non possunt, ciues verò sine nimia eorum multitudine, possunt. Naturæ ordinem peruerteret, qui ciues ex Urbibus pelleret, domos ciuium euerteret, atque intra Vrbes, templa, monasteria, xenodochia & alia huiusmodi erigeret, quæ in solum ciuium commodum, & bonum non in exitum, insuper, atque erigi debent, quod quàm absurdum, quàmque immane sit, nemo non videt.

Tolleret itē de medio Principes atque Reges, quibus Deus Optimus Maximus huius Orbis Imperia atque Regna concessit. *Per me reges regnant*, clamat Dei sapientia per ou. octauo, & infra, *Per me Principes imperant*. Diuinus item Vates Daniel ad Nabuchodonosor Regem, inquit, *Deus cæli dedit tibi Regnum, & Imperium*, omnium autem clarissime Diuus Paulus ad Romanos, *omnis auctoritas sublimioribus subdita sit, non enim est potestas nisi à Deo, quæ autem sunt à Deo ordinata sunt*. Quo loco Ioannes Chrysostomus, non enim, inquit, Christus Dominus venit ad evertendam, Regum atque Principum politicam administrationem, sed ad confirmandā, quod ex Matthæi Euangelio perspicue patet, Vbi Christus, seruator hominum aperte iubet, esse reddenda, *quæ sunt Cæsari Cæsari, & quæ Deo, Deo*.

Omnis autem hic ordo & diuina plane dispositio rueret, si Principes auferantur, auferentur autem, si Vrbes tollantur, hæc vero tolluntur, si ex ipsis ciues

Controuersia secunda.

De Bonis Sacularium conseruandis ne ad Ecclesiasticos deuoluantur.



Alterum in controuersia positum est, lex anno Domini millesimo trecentesimo trigesimo tertio lata in maiori Venetæ Reipublicæ Concilio; qua lege sapientissimis eiusdem Reipublicæ patribus iam ex tunc cauere visum est, ne grauius sua araria, atque suorum ciuium, & subditorum bona imminui animaduertent, ne Ecclesiasticis quibuscunque, tam Venetiis, quam in Ducatu ut aiunt exsistentibus, possit in futurum aliquid stabile seculare aut donari aut relinqui in perpetuum, quam in decennium, quo elapso, iubetur illud esse vendendum, ac pecunias Ecclesiasticis apud se retinendas.

Ad quam legem postea anno Domini millesimo quingentesimo trigesimo sexto, pridie Calendas Ianuarij, cum alijs in oculis intelligerent sua, si ori in que subditorum terra ac bona deperdi, atque paulatim omnia ad Ecclesiasticos deuenire cum maximo Reipublicæ lux ac subditorum suorum damno, visum est eiusdem Reipublicæ patribus item in suo maiori Concilio addere & illis; Nere in posterum audeat aliquis testamento legare, seu in perpetuum donare bona item perennitæ generis cuiuscunque Venetiis seu in ipso Ducatu posita, seu quocunque alio modo, ea obligare in perpetuum, ad pios vsus & causas, seu ad longius tempus quam ad annos duos, quibus elapsis, iubentur decem sapientes ad decimas exigendas deputati, lege eadem, si qua huiusmodi bona contigerit, legari, donari seu obligari plusquam ad annos duos, ea voce præconis vendere ac pecunias quas inde retraxerint ad Procuratores Dni. Marci deferre, qui adhibitis quorum interest, tenentur de his iuxta voluntatē eius, qui ea tradidit aut reliquit disponere & ordinare.

Tandem anno Domini millesimo sexcentesimo quinto, septimo Calendas Aprilis, ad supra expositas leges, duo alia, videntur à Senatu Venetæ Reipublicæ adiecta, quæ non tam diuersa ab expositis legibus, quam earundem explicantiæ, seu interpretantiæ sunt, quorum vnum est, leges easdem, non solum Venetiis, & in Ducatu, verum etiam vbicunque locorum Venetæ ditionis, ab omnibus debere & adimpleri, & seruari. Alterum est, ne quis inconsulto Senatu, vbipis, sub Venetæ Imperio exsistat, audeat quouis modo, aut colore disponere de supra expositis bonis, nisi modo & ratione, qua in ipsa lege seu legis potius interpretatione præscribitur.

Hæc summa præclarissimarum legum, hic tenor diuinarum plane ordinationis, hæc leges controuersiarum, hæc alteræ Anathematum causæ. Circa quæ, & si aperte constet, ex his, quæ paulò supra diximus, quæ mea sententiâ sit, tamen hoc loco,

& planius, & fusius quid sentiam explicabo.

A Natura enim, cuiusque tributum videmus, (quæ autem à Natura sunt, à Deo ordinata censentur,) ut se suaque tueri, vnumquodque, & possit & debeat. Quod enim genus animalium, vel infimum reperitur, quod pro se suisque tuendis, non laboret? pugnant enim pro nidulis suis aves, apes pro alueolis, animalia quæque rationis expertia pro victu, homines igitur, rationis participes, hoc Naturæ bonum, tam sanctum, tamque iustum contemnant? quod certe, & si homini cuique proprium est, nullus enim hominum est, qui se suaque non tueatur, suas enim leges & economiam habet, eique interdum in tuendis suis, & Persica & Laconica, & Attica ratione vtendum. Principibus vero, atque his qui Politicam administrationes exercent, hoc non tantum proprium, quam conaturale videtur.

Est enim Principatus atque administratio Politica adeo naturalis, & necessaria hominum generi, ut tolli non possit, quin Naturâ ipsa tollatur, homines enim inter animalia omnia societatem appetunt, à Natura enim est homo animal sociale, nam cum vnus homo sibi non sufficit ad omnia, necesse est vt simul viuant, & vnus alium adiuvet, homo enim eget homine tam in his quæ ad vnus cuiusque sustentationem & vitam conferunt, quam in his quæ ad hostium ac ferarum impetus infringendos spectant.

Ad hæc autem omnia bene, ac tute exercenda, Rectore opus habet hominum genus, qui & multitudinem continere, & bonum commune eiusdem curare, atque conservare valeat, quem Rectorem, seu *Potestatem* vt verbis Apostoli vtat, non nisi à Deo acceptam immediate credendum, consequitur enim necessariò Naturam hominis, quæ autem à Natura sunt, ab eo sunt qui Naturam instituit: Potestas igitur hæc de tute Naturæ est, non enim pendet ex consensu hominum, nam velint, nolint homines, debent regi ab aliquo, nisi velit tuere hominum genus, quod nullo modo dicendum: at Ius Naturæ, est Ius diuinum, iure igitur diuino introducta est Gubernatio Politica, atque hominum generi per quam necessaria.

Debet igitur Princeps, atque Politica disciplina Magistratus, iure Naturæ ac proinde diuino, non solum se, suaque tueri, verum etiam sibi subditos ciues, ac populos, eorumque res ac commoda, quibus cum & leges condere liceat, cælitus ad hoc illis data facultate, iuxta illud Prouerbiolorum octauo, *per me reges regnant, & legum conditores iusta decernunt*, legibus quoque ad hæc eadem custodienda, & tuenda, prospiciendum, neue misere dissipentur, atque ad alienos transferantur, summo opere elaborandum, quod certe cum omnibus Principibus, atque Rebus publicis peculiari esse debeat, tum vel in primis Venetæ Republicæ, ad quam, non tantum sui Imperij pondus, & sollicitudo, sed etiam Ecclesiæ Protectio spectat: Qua enim ratione Veneti, si sua suorumque ciuium ac populorum bona male dissipentur, Ecclesiæ Dei libertatem, Italicæ tranquillitatem ac tandem sui decus, contra communes hostes, satis commode conservare, ac tueri poterunt? cauent itaque iure optimo, ne suorum ciuium ac populorum bona in Ecclesiasticos transferantur. O nunquam satis laudandam Venerorum patrum in condendis suis legibus prudentiam. O admirandam eorundem in custodiendis rebus tum publicis, tum priuatis vigilantiam.

Norunt optimè Veneti, Principes tum fortunatos ac felices esse, cum fortunatorum ciuium ac populorum principes eos esse contigerit, fortunatos autem ciues ac populos esse, quando amplissimis fortunis ac bonis omnibus, sub bono Principe abundant, sicut & contra eos Principes miserandos esse, immo non Principes sed priuatis ciuibz deiores qui inter squalentes turbas ac populos positi, eorū san-

Anguinem ac bona sugunt.

Equidem si Princeps aliquis, pro communi totius Ecclesie Sanctæ bono; diues ac potens esset optandus, is certe Venetus, ac Veneta Respublica deberet esse. Hæc certe Romani Pontifices omnes, hanc cæteri Orbis Christiani principes & protegere, & iuuare deberent.

Nullus enim Christianorum principum est, qui in tam angustis sui Regni finibus, maiores impensas, ac apparatus bellicos pro communi Ecclesie Sanctæ bono, tut sustineat aut efficiat, quam Veneti sustinere ac efficere videntur. Dalmatiae etenim Urbes, Macedoniar, Epyri Insulae, Ioniar, Egeique maris detrimento potius sunt quam vtilitati Venetæ Reipublicæ, quæ quidē semper exhaurunt, nec quā replent Venetorum æraria, quemadmodum & maritima classis, ad quam sustentandam singulis anni temporibus, non pro pyratice exercenda, aut pro mercibus hinc inde asportandis, sed pro communi omnium Christianorum ac Ecclesie Sanctæ bono, quingenta millia aureorū non sufficiunt. Nihil dico de expensis, quas Veneti patres singulis ferē diebus sustinent nō paucas, tū domi, tū foris in alendis de sua Republica omnis generis benemeritis hominibus, eorumque gnatis ac nepotibus, in extirpandis extorribus, in egenorum subleuatione, ac in aliis fere sexcentis huiusmodi pietatis operibus.

Vnus quidē Arsenalis vt vocat impense, (quo nihil terrarū Orbe, nec magnificentius, nec oportunius, nec Christiani nominis hosti formidabilius, aut esse, aut excogitari potuit) satis magnæ causæ deberet esse Venetis, non quidē ad cōseruanda tuendaque sua, suorūque subditorū ac ciuium, Verū etiā vt principes Christiani omnes, tū vel in primis Romanus Pontifex, eis & suffragetur, & opituletur. O quā melius ad sexcēta millia aureorū, quæ singulis fere annis Veneti impendūt in hoc armamētario, pro cōstruendis triremibus, ac ceteris bellicæ discipline apparatibus, esset addere alia sexcēta millia, de Ecclesie redditib. quod forsā & laudabilius, & Deo gratius esse posset, quā velle nūc easdē impēsas aut imminuere, aut infringere.

Quid cum Christiano Orbe ageretur, si impius Turcarum Imperator cum trecentis, vel quadringentis triremibus armis ac militibus bene instructis, Italas Vrbes, seu principes aggrediretur, Venetis vel permittentibus, vel quiescētibus? quis vnquam Christianorum principum, non certe si omnes fœdere arctissimo simul colligarentur, triremesq; omnes & Romanas, & Ethruscas, & Liguras, & Hispanas, & Siculas, & Melitenfes, & Neapolitanas vnā congregarent, satis essent, nisi Venetæ triremes ac machinæ accedant ad reprimendos & profligandos huiusmodi hostium apparatus ac vires? probationibus non est opus, sensibus ipsis patet, Armamentarium Venetum solum satis esse posse ad reprimendos cuiuscunque Turcarum classis impetus; apparatusque bellicos qui inibi conseruantur, etiam si omnes alii deficiant, solos sufficere ad quamcunque pedestrem classem instruendam, etiam si quingentorum millium hominum numeretur. Hoc in afflictissima Ecclesie Sanctæ tempora cōseruare, hoc fouere, hoc sustentare Romani Pontifices deberent, non diruere, vt modo facere videntur, qui enim Venetis temporale dominium auferre intendit, hic Christianam Rempublicam, necessario auxilio ac ope priuat, illamque funditus euertere, non cōseruare conatur.

Sed hæc ad ostēdendum id quod intendimus probabilia, validiora adducamus.

Duo mihi videntur necessaria, ad hoc vt leges politicæ & rectæ & rationi cōsentaneæ esse dicantur.

Alterum est vt res super quibus feruntur, sint mere politicæ & temporales.

Alterū vero, vt finis propter quem ferūtur, sit bonum commune, ac Reipublicæ.

necessarius nullius malum per se intédens. Ex quibus duobus, atque ex rebus quidem, tanquam ex obiecto, ex fine vero, tanquam ex modo considerandi res omnes & distinguí & appellari necesse est.

Hæc duo in supra enumeratis legibus, reperiri, clarius est quam ut argumentis ostendatur. Quis enim non videt, terras, agros, domos, & cætera huiusmodi, secularium personatum, esse mere temporalia, & politica? super quibus non nisi politicum Principem, qualis Veneris est, oportet & leges ferre, & dominari. quemadmodum & in his, quæ quære spiritualia sunt, quales sunt gratia, potestas clauis, prophetia, sacramenta, sacrificia, & omnes alij effectus, qui proueniunt ex his, non nisi Ecclesiasticum ac spirituale.

Differunt enim inter se res temporales, & spirituales, potestas Ecclesiastica, & potestas Politica. Hæc in temporalibus versatur, illa in spiritualibus, neutra suæ fines egredi debet, nec ea quæ sunt alterius occupare.

Optime certe hæc in re Hugo de Sancto Victore libro secundo de Sacramentis parte secunda cap. quarto. *Terræ, inquit, Potestas, caput habet Regem: Spirituales habet Summum Pontificem. Multo clarius Ioannes Driedo libro secundo de libertate Christiana cap. secundo. Christus, inquit, cum prædixit Petrum Vniuersali Ecclesiæ pastorem, non fuit de illi Imperium temporale super vniuersam Ecclesiā, neque enim ab illius Imperatoribus & Regibus sua regna, neque item voluit ut omnes potestates Regales, pariter in Ecclesiastica debeat derivari & descendere ex potestate Petri. Habetur idem & in epistola Athanasij ad eos qui solitariam vitam agunt. In qua Hosijs episcopus ait Imperatori, Tibi Deus Imperium, nobis autem ea quæ sunt Ecclesiæ Christus commisit. Confessio ne ipsa Pontificum, in hac re nihil clarius. Gelasius Papa in epistola ad Anastasium Imperatorem, quæ habetur etiam in Decreto distinc. nonagesima sexta, Can. duo sunt. Duo sunt, inquit, Imperator. Augustus, quibus principaliter mandus hic regitur, auctoritas sacra Pontificum, & Regalis potestas, & Gregorio libro secundo. epistola sexagesima prima ad Mauritium. Potestas, inquit, super omnes homines Dominum necum pietati cælestis data est. & clarissime Nicolaus in epistola ad Michaelē, nolite præiudicium Dei Ecclesiæ irrogare, illa quippe nullum Imperio vestro præiudicium infert, & infra. Idem mediator Dei, & hominum Iesus Christus se suis, sic actibus propriis, & dignitatibus distinctis officia potestatis virisque discreuit, ut Christiani Imperatores pro æterna vita Pontificibus inderent, & Pontifices pro cuius temporaliu tantummodo rerum Imperialibus legibus vterentur.*

Ex his aperte constat has duas potestates inter se differre.

Quod autem neque vna alteri possit derogare. id cum de temporali potestate constat, de Spirituali probatur.

Ex Nicolao supra, quidquid Imperatores habet à Christo dicit eos habere, quo posito queritur, aut potest Summus Pontifex auferre à Regibus, & Imperatoribus, hanc auctoritatem & potestatem, tanquam Summus ipse Rex & Imperator, aut non potest? si potest, ergo est maior Christo: si non potest ergo verè nō habet potestatem Regiam, quod si non habet, non potest, nec temporali auctoritati Principum atque Regum derogare.

Quod Alexander Tertius, qui optime, quid & quanta sit Reipublicæ Venetæ auctoritas, est expetus cap. lii. duobus. 1. Denique extra de Appellationibus. facere non est veritas, quæ cum interrogaretur an Appellatio à Iudice seculari ad Patrem teneat, respondet. Teneat quidem in his, quæ sunt nostri & temporali iuris, sed in his, quæ sunt aliorum, vero secundum iuris rationem credimus non teneat.

Et in cap. causam, secundo. extra qui filij sunt legitimi. Nos attendentes, inquit,

quod

quod ad Regem pertinet, non ad Ecclesiam de talibus possessionibus iudicare, & similia.

Innocentius Tertius, non est prætereundus qui cap. Novit, de Iudic. apud Bellar. tomo 1. cont. de Rom. Pont. libro 5. capit. 3. cum iurisdictionem, inquit, propriam non sufficiens explere, cur alienam usurpare velimus? quibus verbis Pontifex aperte negat Temporalem iurisdictionem, in Regno Francorum sibi esse assumendam, ut à sua iurisdictione alienam. & non multo infra, non intendimus, inquit, indicare de Feudo, cuius ad ipsam spectat iudicium, sed de cernere de peccato, cuius ad nos pertinet sine dubitatione censura.

Pulcherrima sunt illa, quæ idem Innocentius cap. solite, extra de maiestate & obedientia, dicit, in hac sententiam, Ad firmamentum, inquit, Cæli; hoc est, universalis Ecclesia fecit Deus duo luminaria magna; id est duas instituit dignitates, quæ sunt Pontificatus auctoritas, & regalis potestas, sed illa quæ præest dictus, id est spiritualibus maior est, quæ vero carnalibus minor, ut quanta est inter Solem, & Lunam, tanta inter Pontifices, & Reges differentia cognoscatur.

Oportunus certè locus ad ostendendum, satis accommodato exemplo id quod intendimus, non enim est idem Sol & Luna, differunt enim inter se, & motu & lumine, neque Lunam instituit Sol sed Deus; ita quoque dicendum est non esse idem Pontificalem & Imperialem auctoritatem, nec vnam ab alia absolurè pendere. Quod si Luna in lumine à Sole dependeat, id non est simpliciter, & in esse à Sole dependens, sed secundum quid, in esse autem utraque dependens à primo fonte, id est Deo: simili modo dicendum est Reges, atque Principes, quatenus Christiani sunt à Pontifice, in spiritualibus quæ lumini comparantur dependere, simpliciter, ut & in esse & quatenus Principes sunt à Deo, à quo & Regum & Imperia immanitè acceperunt.

Idem Innocent. cap. per Venerabilem, extra qui filii sint legitimi, dicit Pontificem solum in patrimonio Ecclesiæ plenam habere in temporalibus potestatem, in aliis vero regionibus non item. & ibidem, cum Rex, inquit, superiorem in temporalibus neminem recognoscat sine iuris alterius laesione, in eo se iurisdictioni nostræ subijcere potuit, in quo videtur aliquibus, quod per se ipsum, (non tanquam pater enim filiis, sed tanquam Princeps cum subditis) potuit dispensare. Tu autem non eris aliis subiaceres unde sine ipsorum sorsum iniuria nisi præstarent nobis assensum, in hoc subdere, te non posses. Plura in hanc sententiam possent adduci, sed brevitatis causa, prætereantur.

Ad hæc omnia ratio accedit: Principes sacro fonte non abluti, sunt veri & supremi Principes suorum Regnorum, his enim Deus in utroque testamento, approbat Regna & Imperia. Tu es Rex Regum, inquit Daniel ad Nabuchodonosor Regem. Dan. secundo. & Deus Cæli dedit tibi Regnum & Imperium, & Matthæi vigesimo secundo, ipsemet Dominus, cum Cæsari præcipit esse reddenda, quæ Cæsaris sunt, quid aliud facit nisi Cæsaris, & aliorum Principum ac Regum, Regna & Imperia approbare reddite, inquit, quæ sunt Cæsaris, Cæsari, & quæ Dei Deo. Vellent hic obiter observari, verbum reddite, viam enim habet, reddite, non donate, quæ sunt Cæsaris, id est quæ iurè illi debentur, non enim redduntur, nisi ea quæ alterius sunt, pertinent huc & illa quæ Divus Paulus ad Romanos scribit, reddite omnibus debita, cui tributum, tributum, cui vectigal, vectigal, ubi etiam propter conscientiam, iubet obedire Principibus Ethnicis, qui si non essent veri Principes, in conscientia non teneremur illis obedire. sunt igitur veri & supremi Principes suorum Regnorum.

In quorum Regnis Summus Pontifex, non habet, nec dominium, nec auctoritatem temporalem, quod vel ex eo maxime patet, quia si haberet, Regna infidelium

libentius daret Principibus fidelibus, neque enim dicendum est dedisse Deum Principibus in Regna totius Mundi, & non dedisse illi vnquam facultatem vtendi eiusmodi iure. Deus enim nihil effecit frustra, & potentiam illam quæ nunquam re ducitur ad actum, sapientes omnes frustratoriam appellant.

Quod si Summus Pontifex, nullum ius temporale habet in Regnis infidelium, quæ maior ratio erit, cur illud habeat in Regnis fidelium? absurdum certe maximum deberet reputari Principes infideles, dum in sua perfidia existunt eos habere supremam auctoritatem in suis Regnis & Imperio, cum autem sacris initiantur, ex sacrorum susceptione eos perdesse illud, ius quod in suis Regnis summum habebant. Christus enim Dominus, non venit vt destrueret ea quæ bene se habebant, sed vt perficeret: quando igitur Rex aliquis sacro fonte abluitur, non perdit Regnum terrenum, quod iure obtinebat, sed acquirit nouum ius ad Regnum æternum, alioquin Christi beneficium, Regibus obesset, & gratia Naturam destrueret: Regnum enim non fundatur in gratia & fide, sed in libero arbitrio & ratione. Pluribus non esset opus, verum vt hæc magis ac magis pateant, apponam & clariora.

Summus Pontifex est Christi Vicarius, & Christum nobis representat qualis fuit dum hic inter homines viveret, neque dicendum est Pontificem maiorem auctoritatem habere, quam habuit Christus, vt homo mortalis, nam Christus vt Deus fuit semper Dei filius, Rex, & Dominus omnium creaturarum, eo modo quo & Pater eius, quod Regnum æternum est, & diuinum, nec potuit Summo Pontifici conuenire, quænam modum nec Regnum eius gloriosum, post resurrectionem.

Solum igitur dicendum est Pontificem habere eam auctoritatem, & officium, quod habuit Christus dum more humano vixit in terris, quod solum potuit Pontifici competere, nam cum Ecclesia hominibus constaret, indigebat certe capite aliquo visibili, & more humano viuentem: ideo Christus Dominus quando desinit more humano viuere, scilicet post sui gloriosam resurrectionem, reliquit Petrum loco suo qui nobis exhiberet illam Christi gubernationem visibilem & humanam quam Ecclesia habuerat, ante Christi passionem, vt patet ex illis verbis Ioannis v. *gesimo, sicut misi me Pater & ego mitto vos.*

Quamuis Summus Pontifex, non habuit nec eadem omnino potestatem, quam habuit Christus, vt homo mortalis, ille enim quia Deus & homo erat, habuit quandam potestatem, quam Theologi vocant excellentiæ, quæ præerat tam fidelibus, quam infidelibus, Pontifici autem solum oues suas, id est fideles commisit. præterea Christus poterat Sacramenta instituere, & miracula facere propria auctoritate, quæ non potest Pontifex. poterat quoque absolvere à peccatis sine Sacramentis, quod Pontifex non potest.

Solum ergo Pontifici illam potestatem communicauit quæ puro homini communicari poterat, & quæ necessaria erat ad gubernandos ita fideles, vt sine impedimento vitam æternam consequi possent.

At Christus vt homo mortalis, nullum habuit temporale dominium, quod potius cum impedimento esse cognosceret ad æternam salutem, sui sectatoribus, ita eo se abdicauit, vt præterquam Apostolos ad sui contemptum pluribus in locis sacrorum Euangeliorum induxit. Ioannis tamen sexto, *dum cognouisset quia venturi essent, vt raperent eum & facerent Regem, fugit iterum in montem ipse solus.* & Ioannis decimo octauo, aperte confessus est Regnum eius non esse *de hoc mundo*, quibus verbis vt exponunt ibidem Theophylactus, Chrysostomus, Cyrillus, & Augustinus Dominus liberare voluit Pilatum à suspitione, qua credere poterat, se Regnum temporale

porales affectare, quasi dicere vellet. Ego quidem Rex non sum eo modo quo Cæsar aut Herodes, nam Regnum meum non est de hoc Mundo, id est nō constat honoribus, opibus, ac potentia mundana, Christus enim non venit ministrari, sed ministrare, & dare animam suam redemptionem pro multis.

Habuit autem Christus vt homo mortalis, solum spirituale dominium, quo poterat obligare omnes, tam fideles, quam infideles ad fidem & sua Sacramenta suscipienda, neque enim vlla alia causa fuit cur Christus Dominus, inter homines conuersatus fuerit, quam hominum salus, vt apertissime habetur in symbolo, *qui propter nos homines & propter nostram salutem descendit de cælis.*

Hoc Petro Christus communicauit, ac Summis Pontificibus, quando oues suas eis pascendas commisit, non occidendas, pastoris enim proprium est pascere, non occidere, aut disperdere, neque enim semel Christus hoc Petro commisit, sed pluries, atque pluries, repetendo ei, pascue oues meas, pascue oues meas.

Hæc cum ita sint, ignoro, vnde est cur tantopere nunc illud tueatur, quod Christus spreuit, quo se abdicauit, quod se non affectare expresse confessus est. Equidē qui temporale dominium, qua Christi Vicarius est Pontifici attribuunt, hi Christum Reges, atque Principes sefellisse fatentur, atque Christum, aliud predicasse verbo, aliud opere, predicauit enim regnum eius non esse de hoc Mundo, nunc autem illud tueri esse de hoc Mundo in Summis Pontificibus, expresse est tueri Christum decepisse & Mundum & Principes.

Maneat igitur ex dictis, maximum esse discrimen, inter Politicam Regum, atque Principum administrationem, atque inter spirituale in Summorum Pontificum, nullam alteri debere derogare, neutram alterius iurisdictionem posse occupare.

Veneri igitur cum leges condunt, ne sua suorumque subditorum bona dissipentur, atque ad Ecclesiasticos transferantur, in his certe versantur, quæ temporalia sunt, quæque a temporali sua auctoritate, diuinitus illis concessa penitus dependēt. nullius enim in his legibus condendis auctoritati derogatur, nullius bona, aut fortune occupantur.

Nisi forte, quis diceret, Ecclesiasticos habere ius aliquod in secularium personarum bona, ac commoda, quæ adhuc nullo modo sua sunt, sicuti habent Reges atque Principes, illosque in damnum, ac desolationem Principum, ea posse occupare, & possidere.

Nonne vident isti qui hæc occupare conantur, seculari auctoritati Principum derogare, aliena occupare, suos fines egredi, ac in alienam segetem, pedem ac falcem inferre, quæ certe nulla lege vniquam permittitur leguntur.

Dicant queso huiusmodi homines licet ne a filiis patrū familias, infantiis, vel inuitis parentibus, tuta conscientia aliquid, vel emere, vel acceptare? nō certe, eo quod bonorum quæ parentes possident, filii nōdum sunt veri possessores, sed patres, quo modo igitur, infantiis aut inuitis Principibus, subditorum suorum bona in graue ipsorum damnum, aut emere, aut acquirere licebit? quod enim sunt in familiis parentes, hoc sunt in ciuitatibus, atque in Rebus pub. Principes.

Quid si, ne ius aliquod in huiusmodi bona Ecclesiastici habeant, illaque vel iam possideant, vel certe habiles ad ea possidenda repurantur. Adhuc tamen huiusmodi bona temporalia sunt, & temporali Principum auctoritati subiecta, nam quemadmodum Principum temporali beneficio possidentur, ita a temporali eorundem auctoritate ea semper dependere, necesse est.

Silentio certē, ista præterire decreueram, tamen quoniam Diui Ambrosij Ecclesie Sanctæ Doctoris grauissimi, doctrina est, nihil me nouum aut inusitatum putabo

dicere. Expresse enim hoc ipse docet, in oratione de tradendis Basilicis: *Si tributum*, inquit, *petit Imperator, non negatur, agri enim Ecclesia solvunt tributum.* Et infra, *Tributum Caesaris estum negatur, Ecclesia Dei est, Caesar non debet addici.*

Accepit hæc D. Ambrosius, ex D. Pauli doctrina, qui capite decimotertio ad Romanos, iuxta expositionē D. Ioannis Chrysostomi omnes homines cuiuscunque ordinis, ac status sint, tam sæculares, quam Ecclesiasticos, potestatis sublimioribus, subiectos esse dicit, non solum quo ad correctionem, de qua infra, verū etiam, quo ad tributa. *Ideoque*, inquit, *nec statatis, subditi estis, non solum propter iram, sed etiam propter conscientiam.* Ideo enim & tributa præstatis, ministri enim Dei sunt, in hoc ipsum servientes, reddite ergo omnibus debitum, cui tributum, cuius vel dignitas, vel timor, timore, cui honorem, honore. Ad quod tributū Divus Paulus omnes attingit neminem excipit, nullum absoluit. A quo certe nec Christus Dominus absolvi voluit. habemus enim Matthæi decimoseptimo, expresse Christum soluisse tributū.

Ecclesiastici igitur, qua ratione ab hoc tributo liberos se esse debent gloriari, satis probabile argumentum adhuc non apparet. Illud eos ignorare nolo, quod si aliqui liberi à tributo esse videntur, sciunt, id illis non contingere divino aliquo vel naturali præcepto, sed ut divus Thomas exponit in hunc Divi Pauli locum sapta, Principum privilegio, quibus si libuerit non eximere, possent non exhibere.

Quod & ratio suadet, nam sicuti Principum beneficio bona tēporalia Ecclesiasticis possidere est concessum, ita eorūdem Principum beneficio, vel privilegio, ab oneribus, & tributis, quibus eiusmodi bona sunt obnoxia, possūt eximi, & nō eximi.

Ecclesiastici cerē si tributa, & cætera quæ de iure Principibus solvere tenentur, præstarent, ratione bonorum tēporalium quæ possident, nec ea quæ mera Principum benignitate, ac privilegio semel acceperant, nunc iure hæreditario ex Christi successione se accepisse, ac possidere tuerentur, decretis Summorum Pontificum libera ab omni huiusmodi solutione & tributo.

Ex quod forsā peius est, nisi furtim, paulatimque summam Principum sæcularium auctoritatem, ac dominium affectare, atque ad Orbis Vniuersi Monarchiam tēporalem, aspirare viderentur, contra Christi Domini institutum, nō esset, cur tantopere Principes fere omnes, timendum sibi iudicarent. Experientia enim cōpertum habent Summos Pontifices ac reliquos, Romanæ Ecclesiæ affectas à paupere Christi, Petri ac priorum Summorum Pontificum vita, ed dignitatis, honoris, opum, ac potentiz deuenisse ut Imperij Romani sede Roma Orbis vniuersi Domina nescio qua ratione potiti, hanc forte ob causam extra Italiam, & Imperatoribus residere coactis, ibidem nunc cum melioribus ac ditioribus eiusdem Imperij prædijs, ac redditibus, nec non cæterorum Principum Christiani Orbis, Imperatoriam Maiestatem non Christi humilitatem exhibeant, propterea fere omnes timent, verentur, expauescunt, sed hæc silenda.

Quod ad ipsos spectat vnum est. Veneti patres magnam sui imperii partem, cum paulatim iam ad Ecclesiasticos deuenisse animaduertent perterriti, ne breui tēpore, item & reliquum sui Imperii, ad eosdem deveniat, Venetani que Reipubl. non amplius Venetam, sed nullam prope futuram: Deo duce, qui cuique ut se suæque tueatur, instillavit, qua ratione tanto suæ Reipub. damno, esset occurrendum, legibus non immerito illis prospiciendum fuit.

Videant nunc quæso homines, videant principes Christiani omnes, videat Orbis, ipse Summus Pontifex, an aliud consilium erat Venetis inendum, an alia ratione suæ Reipub. prospiciendum, ne à Deo sibi, non ab humano aliquo principe concessum imperium penitus amittant, quam legibus cauere, ne subditorum suo-

rum bona permanentia, ad Ecclesiasticos transferantur.

In hoc certe Ecclesia Dei nulla videtur iniuria irrogari, nulla libertas opprimi. Nisi forsitan iniuria dicenda est, se, suaque tui, neque temporalia sua commoda in Ecclesiasticorum temporalia vertantur, quæ certè à quocumque possideantur semper temporalia nata sunt esse, neque villo modo, id quod tempore est spirituale fieri potest, nisi forte eo quod à spiritualibus viris possideatur; quæ ratione dicendum esset, omnia quæ à spiritualibus viris possidentur, spiritualia esse, nulla temporalia, quod admittendum non est; curus enim lecticæ, canes venatici, equi, abaci, peristromata, horti, prædia, & cætera huiusmodi, etiam si ab Ecclesiasticis spiritualibus hominibus possideantur, nullo modo dicenda sunt spiritualia.

Spiritualia enim semper illa memini esse, quæ corporalibus opponuntur, vel quorum tota essentia, ac ratio est spiritualis, quæque ad huiusmodi spiritualia nobis aditum ac viam sternunt. cætera vero omnia quæ huiusmodi non sunt, temporalia putari debent, & temporali regum atque Principum auctoritati subiecta.

Hæc spiritualium interpretatio, si alicui nimis stricta, vel angusta videatur esse, afferat ipse latiore, sed quælo animaduertat, ne colore spiritualium, temporalia sibi vsurpet, & dum totus spiritualis videri laborat, videat ne totus temporalis euadat; Quam interpretationem si afferat, & dicat, spiritualia etiam esse illa, quæ mere spiritualia non sunt, sed spiritualibus annexa, & hæc aut esse antecedentia ipsa spiritualia, cuiusmodi est ius patronatus præsentandi clericos ad beneficia, vasa omnia, & vestes sacræ ad sacrificia peragenda, aut denique consequentia, seu dependentia ex spiritualib. quia videlicet non possunt haberi, nisi ab eo, qui habet spirituale, vt sunt beneficia Ecclesiastica: Ius ad ordines, ad decimas, ad oblationes, quæ ipsis tantum clericis debentur; præter quæ certe nulla alia spiritualia affert, nisi spiritualia & temporalia, confundere vel sit. Adhuc tamen non erit verum dicere, Venetos, cū leges ferunt, ne prædia, agri, domus, & cætera huiusmodi permanentia sæcularium personarum, transferantur modo quocumq; ad Ecclesiasticos versati in spiritualib. cum hæc non sint, nec mere spiritualia, nec spiritualibus annexa. Quæ præterea modo quocumq; fingantur, semper verū est, illas leges in temporalib. ac politicis versari.

Non ignoro, præclarissimarum huiusmodi legum obtrectatores, somnari alia quandam imaginariam, spiritualium interpretationem, quæ nihil, nec impudētius, nec spirituali homine indignius excogitari potuit.

Inquirunt enim bona temporalia sæcularium personarum, quæ prohibent Veneti, ne in Ecclesiasticos deueniant, licet temporalia sint ac Politica, posse tamen fieri, & euadere spiritualia, si spiritualibus viris contigerit, ea possideri.

Impudentissima interpretatio, nec villo vnquam tempore admittenda, quæ tertè si & admittatur, ex ea constare quis vel ineptissimus non videt ea penitus temporalia nullo modo spiritualia esse.

Nec leges enumeratæ, cum feruntur, in spiritualibus certè versantur, temporalia enim illa bona sunt temporaliumque personarum.

Quod si à sæcularibus hominibus Ecclesiasticis, contigerit ea abalienari, vel spiritualibus à sæcularibus emere, vel acceptare, cum conditione & oneribus, ad quæ per leges illas tenentur, nulli iniuria infertur, legum enim conditionibus sunt alligata, dum sæcularia sunt, ab iisdem; cum acceptantur ab Ecclesiasticis libera esse non debent: Quod cum verum est in priuatorum hominum bonis, quæ pensionibus soluendis sæcularibus alligata ad Ecclesiasticos cum perueniūt, eisdem obnoxia intelliguntur. Multo magis id verum putari debet in his quæ Venetæ Reipublicæ iussu legum conditionibus alligantur. Sæcularium enim personarum bona,

dum secularia sunt tenentur per supra dictas leges ad census, ad decimas, & ad alia onera pro Reipublice commo^{do} imposita & imponenda, ad eadem cum ad Ecclesiasticos transferuntur quare teneri non debent? Contrarium asserere est doctrinā Christi euertere, atque contra id quod ipse docuit est expresse docere, tributa non esse reddenda Cæsari. Ex Philosphorum Scholis, axioma illud verissimum putatur, idem manens idem semper natum est, facere idem. Conditionibus per leges impositis bona illa ab Ecclesiasticis acceptantur, conditiones easdem seruare tenentur. Temporalia dum erant ad tributa tenebantur, eadem nunc ad Ecclesiasticos deuoluta soluant. Vendi debebant vendantur, temporalia sunt, temporalium Naturam sequantur.

Non video certe, si priuatis ciuibus licet testamento cauere, ne priuata sua bona in posterorum detrimentum vll^o vnquam tempore ad Ecclesiasticos deuoluantur, cur idem Principibus temporalibus, pro communi Reipub. bono legibus suis cauere non liceat? Si ius in priuatorum ciuium bona Principes aliquod habent, nō possunt illo priuari, aut cogi, ne de illo disponant, pro vt eis libuerit. Dei quidem voluntate Principes iure hoc gaudent, supra Dei voluntatem illo priuari non possunt. Nulla certe Ecclesie Dei in hoc inferitur iniuria, Deo quidem inferitur, si contra id quod ipse disposuit aliter statuatur.

Possit tamen Summus Pontifex quæ Dei voluntas sit interpretari, verum quoniam & temporalem, & spiritualem auctoritatem vult exercere Principibus secularibus in his quæ temporalem auctoritatem concernunt, suspectus videtur. Quare si temporalem auctoritatem, ac dominium omne abijceret, nec aliam potestatem, quam spiritualem præ se ferret. Principes quidem omnes ac populi, præsertim fideles, eiusdem interpretationem non secus ac responsa ac diuina quædam oracula, & acceptarent, & venerarentur. Vnde cum ignorent, à quo spiritu illa interpretatio fieri possit, plerumque enim in Summis Pontificibus, huiusmodi interpretationes etiam à concupiscentiæ spiritu factæ cernuntur, propterea interdum ipsis nec sine causa assentire timent.

Sed vt eo, vnde discessimus reuertamur, Ex dictis enim constat, leges illas, non nisi in temporalibus, politicisque versari.

De fine nunc earundem quid verissimum sit, ostendamus. Id enim supra polliciti sumus. Finis certe adductarum legum, quemadmodum & ceterarū omnium, Venetæ Reipublicæ nullus alius censi debet, nisi bonum commune, ac Reipublice necessarius.

Veneta enim Respub. quemadmodum à Deo Opt. Max. in commune Christianorum bonum est instituta atque aucta; ita semper non nisi commune bonum eorundem per se intendere videatur, ex fine enim omnia appellare licet, hinc enim actiones hominum bonæ, hinc malæ dignoscuntur, leges quoque tam bonas quam malas, hinc appellare necesse est. Conseruatione sui, suorumque quod omnia naturaliter appetit, quid melius, quid optabilius esse potest? hoc omnium bonorum, quæ homini in hac vita contingere possunt, maximum reputari debet, homines enim vt sint ac viuunt cetera omnia, quāuis preciosissima, pro nihilo reputāt. Deo enim sic assimilari volunt, à quo & similitudinem aliquam habent.

Hoc Venetis in adductis legibus propositum, hic finis fuit quod bonum certe, si priuatum esset, nulla ratio asserri posset cur contemnatur, nisi solius Dei vel mandatorum eius iniuria, præter quæ nulla alia præcepta, nullæ leges ad idem contemnendum sufficiunt: Quāto autem magis, cum illud non priuatum, sed publicum, sed commune sit bonum? non enim agitur de conseruatione vnius familie, non

vnius

vnus vici, non vnus Ciuitatis, vel Prouinciæ, sed totius Venetæ Reipublicæ, quæ toto terrarum Orbe, si Romanam tamen antiquioribus temporibus excipias, quæ certè in multis & superauit, vix alia vnquam fuit, aut dignior aut maior. Et vt rem paucis absoluiam, dico cum agitur de conseruatione Venetæ Reipublicæ, agitur de conseruatione ipsius Romanæ Ecclesiæ, quod satis ex his quæ supra diximus patet, commune enim illud bonum pro quo Veneti laborant est quidem commune totius Ecclesiæ, bonum enim Natura sua est diffusum.

Videtur autem mihi, Veneta Respublica cum Christiano Orbe comparata, esse veluti centrum seu punctum illud commune, quod in circulo positum æqualitatē ipsius per circum in Orbem deductum efformat, quamque lineis omnibus à circumferentia per illud ductis, absque vlla centri diminutione imperit. Est quidem circulus, sine centro imminutus lineæ nisi per centrum à circumferentia ducantur inæquales; ita quoque Veneta Republica sublata, Christianum Orbem imminui, ac penè in æqualitate deficere necesse est. Quot Regna vexata, quot Prouinciæ, quot Vrbes hæcenus à Christi hostibus essent nisi Veneta Resp. in medio interposita, æqualitatem omnibus seruandam inuigilaret. Plura hac in re essent dicenda, quæ omnia silentio prætereo, ne alicui, vel nimis longus, vel certè affectatus videar.

An verò ipsa Romana Ecclesiæ sublata Veneta Republica possit tam clare lucere, non video, nisi special. Dei beneficio id ei concedatur; nam cum Ecclesiæ non solum constet Christianis hominibus, verum etiã religione, pietate, cultu summi æternique Dei, quomodo florere poterit patribus relig. osissimis sublati, atq; ipsa sede, pietatis, ac religionis Venetiis? Vhe Christiano Orbi, Vhe Italia, Vhe Mundo, si eis Venetam Rempub. contigerit amittere, amittent autem si subditos eiusd. Reipub. bonis ac fortunis spoliari patiãtur. subditos enim Venetæ Reipublicæ si bonis ac fortunis spolies, eosdem vna cum nepotibus omnibus interimis, atque in partu ipso eneas, quos si de medio tollas, Rempub. ipsam tolli nonne vides? quam si fortè animus est tollere, bella indicantur, alię rationes, alia consilia ineantur.

Nallę enim insidię vnquam vestibus religionis coopertę satis fortunatos euentus habuerunt.

Se d. quęso animaduertas quisquis es, qui tantum facinus meditaris, ne postquā Venetam Rempubicam straueris, si tamē sterneris, ne ipsam Romanam Ecclesiã funditus euertas, quę quoniam Deo sunt charissima, quod ex ipsa diuturnitate temporum quibus vtraque hæc fouit, ac protexit, est videre. Videas, ne Veneta Repub. atque ipsa Ecclesiæ Dei, saluis existentibus, ipse tibi interitum ac damnationem pares, non enim Deus hæc patietur inultus.

Debent præterea optimarum legum conditores, diligenter inspicere, nō solum bonum commune, quod in condendis legibus semper propositum habere debet, verum etiã, vt finis earundem, qui cum communi illo bono conuerti debet sit Reipub. necessarius, neque enim leges sine necessitate condere licet.

Ruebat paulatim Venetum Imperium, fundamenta ipsius disiciebantur, ciues deficiebant, census non soluebantur, opera languiebant, qui Euangelicam vitã pauperē, humilemque elegerant, in dies ditiores fiebant, opes omnestam publicas quā priuatas deglutiebāt. Noxæ religio sorū familie, veteres sanctissimas opprimebāt.

Hæc ne & peiora, cursu temporū vltius progredierentur, Venetiis, (quod nullus vnquam reprehendere debet) necessario, cū supra adductis legibus occurrendū fuit, quę quidē, nisi necessitate compelleretur, forsā vnquā nec animaduertissent.

Experientia enim compertum habent, ab Vbis exordio ad nostræ gratis tēpora,

quod & in præfatione huius nostræ tractationis, supra à nobis est obseruatum, plures ac magnificentiore Venetiis, reperiri. Ecclesiastico priuilegio gaudentes, eides, quam priuatorum ciuium sedes, id autem quod de Venetiis dicimus, idem de reliquis Venetæ ditionis ciuitatibus dicendum.

Ædes autem huiusmodi, necesse est vt & antecedant & consequantur opes, neque enim, hisce temporibus, sine opibus quicquam egregium fieri potest. Quod si plures, & magnificentiore, sunt huiusmodi eides, illas quoque plures, & meliores facultates possidere necesse est. Triginta decies centena millia, & amplius Ecclesiasticorum bona ac facultates, æstimantur valere sub Venetæ ditionis Imperio. Et quidem, quocumque Venetiis, vel alibi toto Veneto Dominio, te seras, ædificia quæcunque, prædii, agros, domos, & cætera huiusmodi meliora, pulchriora ac magnificentiore conspexeris, illa Ecclesiasticorum esse, certo scias. Atque ex Ecclesiasticis viris plerisque, quæ quondam ex fundatione piorum hominum pro sustentatione ducentorum, vel trecentorum religiosorum erant instituta, atque erecta: ea nunc paucos, ac interdum quidem, vel vnum solum possidere & occupare.

Quid si ex vrbe Veneta solum atque agro, extrahas templa, ædificia, bona, facultates, Patriarcharum, Episcoporum, Abbatum, Archipresbyterorum, Plebanorum, Presbyterorum, Monasteriorum, Hospitalium, Ecclesiarum, & cæterorum huiusmodi, quæ temporibus, quibus Veneta Respublica cepta est, vel profus nulla extabant, vel certè admodum pauca, illaque omnia simul in vnum locum conferas, Ac seorsim quidè templa, domos, ædificia, & cætera huiusmodi opera ponas. seorsim vero prædii, agros, rura, hortos, & similia. Quid inquam Venetorum Ciuitas, ac Dominium erunt, cum his collata? Illa certè Vrbs maxima, & Orbis, hæc vero vicus, & prædiis perquam angusta apparebunt, & tamen Ecclesiastica illa, omnia, vel plura certe Venetæ Reipub. subditorum erant, ac proinde Veneta. Principes enim in subditorum suorum bona, vt etiam supra diximus, ius aliquod habent.

Necessario igitur Venetæ Reipub. patribus, his malis medendum, necessario legibus cauendum fuit, ne contra vitæ suæ rationem, ac Christi seruatoris Domini institutum, Ecclesiastici viri, tandem omnia secularia occupent, ac possideant.

Sunt autem supra adductæ leges, necesse quidem, non solum Venetæ Reipub. verum etiam ipsismet Ecclesiasticis, quauis per se ad eos non extendantur. Tamen si eis assentire sponte sua vellent, profecto & Christo melius se conformarēt, qui pauperem, egentemque elegit vitam, vt ipsemet de se testatur, quando dicit. *Vultes sanctas habent, & volucres celi nidus, filius autem hominis non habet, vbi caput reclinet.* Et Euangelicæ perfectionis apicem, facilius attingerent, quem Ecclesiastici omnes, non solum ex Christi instituto, sed aliqui eorum etiam ex particulari voto, seruare tenentur.

Iuuat hoc loco Christi seruatoris hominum verba afferre, quibus id quod asserimus clarius innotescat. Principio enim suæ prædicationis ipse Christus Dominus, cum multos gradus beatæ vitæ Apostolis explicaret, primo quidem loco, exposuit paupertatem, tanquam basim, ac sustentaculum, totius spiritualis ædificii, cum dixit. *Beati pauperes spiritu, quoniam ipsorum est regnum celorum.* Et rursus, quoniam præuidebat futuris Ecclesiasticos, qui regna temporalia & thesauros possiderent in tercis, monet ne his incumbant, cum dicit, *nolite thesaurizare vobis thesauros in terra, vbi erugo & tinea demolitur, & vbi fures effodiunt, & furantur, thesaurizate autem vobis thesauros in Cælo, vbi nec erugo nec tinea demolitur, & vbi fures non effodiunt, nec furantur. vbi est thesaurus tuus, ibi est & cor tuum.* Vnde etiam ob eandem causam, tibi quo-

quoque dicebat. *nemo potest duobus dominis servire, aut enim unum odio habebit, & alterum diliget, aut unum sustinet, & alterum contemnit. non potestis Deo servire, & Manganæ. Ideo dico vobis, ne solliciti sitis anime vestre, quia manducatis, neque corpori vestro quid indua mini, non enim anima plus est quam esca? & corpus plusquam vestimentum? respicite volatilia cæli, quæ non serunt, neque metunt, neque congregant in horrea, & pater vester cælestis perficit illa. numme vos magis plures esitis huiusquam autem vestrum cogitans potest adificet & ad sustentationem suam habitum vnum? & de vestimentis quid solliciti estis? considerate lilia agri, quomodo crescunt, non laborant, neque nent. Dico autem vobis, quoniam nec Salomon in omni gloria sua, coopertus est sicut vnum ex istis. Si enim sanum agri quod bodie est & eras in clibanum mittitur, Denique sic vestit, quanto magis vos modo dicit, si sibi volite ergo solliciti esse, dicentes quid manducabimus, aut quid bibemus, aut quo operiemur? hæc enim omnia gentes inquirunt, sicut enim pater vester quia his omnibus indigetis. querite ergo primum regnum Dei, & iustitiam eius, & hæc omnia adiciuntur vobis. nolite ergo solliciti esse in crastinum. Crastinus enim dies sollicitus erit sibi ipse. Idem quoque duodecim Apostolis præcepit quando eis expressè prohibuit, ne aurum, aut argentum, aut pecuniam possideant. Nolite, inquit Matth. decimo, possidere aurum, neque argentum, neque pecuniam in quibus vestrisque per am in viamque duas tunicas, neque calcemena, neque virgam. Verbis quibus adolescentem quempiam est allocutus, nihil clarius. Adolescentes enim quispiam cum Christum interrogasset, quid faciendo, vitam æternam obtineret, eique à Christo responsum esset, mandatorum custodiam esse necessariam, quæ cum se servasse adolescens dixisset, illa addidit, Si vos perfectus esse, vende & vende omnia, quæ habes, & da pauperibus, & habebis thesaurum in cælo, & sequere me, quasi terrenorum possessio, impedimento esset ad æternam salutem, quæ cum audisset adolescens, inquit Evangelista, abiit tristis, erat enim habens multas possessiones, quibus intellectis Dominus ait ad Discipulos, amen dico vobis, quia diuile difficile intrabit in regnum cælorum, & turpis, facilius est, inquit, Camelum per foramen acus transire, quam diuitem intrare in regnum cælorum. Nec dicendus est Christus Dominus. hoc loco loqui, cum sæcularibus per sonis, loquitur enim cum Apostolis, atque cum his qui eius institutum, ac mores sequi volebant, quod & ex verbis Principis Apostolorum optime perspicitur, is enim cum audisset Christum supra cum Apostolis, & adolescente illo tam alta, atque ardua loquentem dixit ad Iesum de præmio sollicitus. Eci & nos reliquimus omnia & secuti sumus te, quid ergo erit nobis? cui Dominus dixit, amen dico vobis, quod vos, qui secuti estis me, in regeneratione, cum sederit filius hominis in sede maiestatis sue, sedebitis & vos super sedes duodecim iudicantes duodecim tribus Israel, & omnis qui reliquerit domum, vel fratres, aut sorores, aut patrem, aut matrem, aut uxorem, aut filium, aut agros propter nomen meum, centuplum accipiet, & vitam æternam possidebit.*

Hoc Christi Domini institutum, hæc Evangelicæ veritatis perfectio. Ex his aperte constat, quorum sententia ad Evangelicam perfectionem propius accedat, eorum ne, qui Ecclesiasticos negat, bonis temporalibus inhære, an eorum qui eos bonis omnibus temporalibus, cum grani sæcularium Principum, ac personarum detrimento ac scandalo, posse affluere sustentant.

Veneti igitur cum in condendis suis legibus in rebus mere politicis versentur, commune Reip. bonum inspiciant, Evangelicis dictis non repugnent, immo maxime cõueniant, nõ est, cur eis nec Romanus Pontifex, nec aliquis alius contradicat.

Nec valet adductas leges esse contra libertatem Ecclesiæ, eo quod prohibent, ne sæcularium personarum bona omnia ad Ecclesiasticos deueniant.

Contra quam libertatem, quæso? An forsân libertas Ecclesiastica dicenda est, qua Ecclesiasticis viris omnia expedit, omnia liceant? Quod dicendum nõ est.

Leges enim illæ si contra libertatem Ecclesiæ essent, essent quoque & illæ si seculari-
tur, ne secularibus hominibus liceat equos, arma, & c. huiusmodi bellorum instru-
menta Ecclesiasticis viris aut vendere, aut concedere; quas quidem cum nullus
contra Ecclesiæ libertatem asserat, nec illas dicendum est esse; quam libertatem
singant, quoquo modo cuique libuerit; Ecclesiæ libertas propriè ac verissimè nul-
la alia putari deberet, quam quæ spectat ad animarum salutem, ita vt liberum sit
omnibus, in his quæ animarum salutem concernant vacare. Libertas autem quæ
Ecclesiasticis ab Imperatoribus, Regibus, atque ab ipsamet Veneta Repu. concessa
dicitur, quomodo apud Venetos non obseruetur, ignoro.


Expositæ itaque leges, eam animarum saluti non aduersentur illas contra liber-
tatem Ecclesiæ esse non est dicendum, immo potius conferre ad libertatem Eccle-
siæ, quam eidem aduersari.

Neque dicendum est, vt quidam falsò interpretantur, vel existimant, legibus il-
lis prohibitum esse, ne quis pro suis peccatis expiandis, atque pro animæ suæ salu-
te, possit testamento legare, aut relinquere, Ecclesiasticis viris, aut aliis pietatis o-
peribus, quæcunque sua bona, tam permanentia, quam non; hoc enim legibus illis
non prohibetur, immo pro cuiuscunque arbitrio, liberum hoc ei relinquunt. Non
itaque fulsum imponant sapientissimis patribus, quibus in condendis suis legibus,
nihil potius fuit, quam vt bona permanentia secularium personarum, quæ ante-
quam Ecclesiasticis relinquerentur, politicis conditionibus alligata erant, easdem
postea legæa, vel quocunque alio modo ad Ecclesiasticos deuoluta seruent, & ad-
impleant.

Nec Summus Pontifex quod nulli suorum præcessorum visum est conuenire,
tentat modo leges expositas, vel confirmare, vel infringere, hoc enim ad illum nõ
spectat, neque enim est ipse Princeps totius Ecclesiæ politicus, atque eo maxime
quod leges illæ nullum animarum periculum concernunt. Huius rei optimam re-
gulam habemus ex Glossa ad caput possessor, de regulis iuris in sexto, cuius sum-
ma hæc est. Quando de eadem re contrariæ inveniuntur leges Pontificiæ & Im-
peratoris, si materia legis est res animarum periculum concernens, abrogatur lex
Imperatoris per Pontificiam, quomodo lex Pontificia quæ habetur cap. finali, de
præscrip. abrogauit legem Imperatoriam, quæ habetur in Codice de præscrip. tri-
ginta, vel quadraginta annorum. etiam cum mala fide, quia non poterat seruari si-
ne peccato mortali. At quando materia legis est res temporalis non concernens
animarum periculum, non potest lex Pontificia abrogare legem Imperatoriam,
sed vtrique seruanda est, illa in foro ecclesiastico, ista in foro civili.

Hæc cum ita sint, constat aperte Summam Pontificem, innumere ob expositas
leges, contra Venetos patres, vne tam dire desquiere, ac debacchari. Plura hæc in re
essent dicenda, quæ si adducatur, æquo longior nostra excreceret oratio, pro-
pterea ad tertiam difficultatem accedamus.

Contro;



Controuerfia tertia.

*De bonis Emphyteuticis, ut aiunt, Ecclesiarum, & ceterorum
Ecclesiasticorum locorum.*

TERTIA difficultas est de bonis Emphyteuticis Ecclesiarum ut aiunt, seu aliorum Ecclesiasticorum locorum, quæ in Emphyteusim concessa videri possent ab Ecclesiasticis hominibus, Laicis emphyteutis. Hæc certe difficultas nonnullam exorta est, neque enim inter alias difficultates à Summo Pontifice dum per litteras Venetos patres monebat, vnquam est nec adumbrata, in sententia tamè excommunicationis, quam Summus Pontifex dicitur tulisse, tribus causis, quarta adijcitur, de qua Venetos vehementer conqueri nîl iustum, immo si non conquererentur, se ipsos contra ius omne diffamarent. Hinc est quod litteras illas nullo iuris ordine seruato publicatas feront. Hinc declarationem suæ legis quæ de bonis à Laicis possessis disponit, ac pro quibus census ecclesiasticis soluantur, quam Summus Pontifex, nullam atque irritam esse decreuit, iniustam atque inane appellat.

Ego certè vel ob hanc solam causam hoc tertium caput silentio præterire decreueram; neque enim putabam satis iustam causam cur plura de hac re dicam, tamen quoniam inter alias excommunicationis causas vna recensetur, quantum roboris ac iustitiæ habeat videamus.

Principio autem vt controuerfia hæc omnis intelligatur, non prætermittam ea quæ verissima sunt, quæque Summo Pontifici exandescentiæ ac anathematis causam videntur præbuisse.

Cum Religiosi patres à Pralea, qui S. Benedicti institutum non procul à Patavina ciuitate tenent, atque obseruant emphyteusis ambiguitate nò bene perspecta, prædia quædam à Domino Francisco Zabarella antiquitus in pensionem laicis hominibus concessa sibi tanquam Dominis restitui enixè coram Venetis Magistratibus instarent, idemque sibi fieri cum à plerisque & ipsi & alii meditantur, qui præter pensionem quam annuis temporibus eidem soluunt, ad nîl præterea aliud se tenere arbitrarèntur. Veneti patres controuerfia huiusmodi, ac difficultate satis superque perspecta, Anno Domini 1602. 10. Calen. Iunias. Illa statuenda duxerunt, Patres tam dictos à Pralea, nec tunc temporis, nec in futurum, aliud ius posse habere, vel intendere in bona à Laicis possessa titulo, aut ratione quacunque non præferti, non coniungere directum cum vtili, etiam si deficiant hæredes quibus primo illa concessa sunt, aut quocunque alio modo ea occupare, ac sibi attribuere. Saluis tamen illis semper rationibus sui directi, & iuribus ad exigendas & recipiendas debitas ac solitas pensiones, ut illis à Laicis, solui ac tribui voluerunt. Quod idem statuendum etiam duxerunt in quibuscunque controuerfiis, ac difficultatibus huiusmodi, quæ inter quascunque religiosas familias, etiam monialium

Ecclesiasticos, eorum loca, ac inter sæculares homines possent contingere, vel exoriri, ubi que tum Venetiis, tum extra sub Venetæ ditionis Imperio.

Hæc excandelcentiæ, ac anathematis tertia quoque causa, quam ego quoniam leuem prorsus ac nullam existimo, Emphyteusis propriè ac bona Emphyteutica, quæ sint ostendam.

Institutionum in Ius Ciuile libro 3. titulo de Locatione & Venditione, cum familiaritatem quandam habere viderentur inter se veditio & locatio, ita vt in quibusdam casibus dubium esset veditio ne sit, id quod agitur, an potius locatio, quod maximè contingere videtur in prædiis, quæ quibusdam perpetuo fruenda traduntur, pro quibus quamdiu merces, siue pensio, vel redditus, siue vectigal domino præstatur, nemo ea conductori auferre potest, aut hæredi eius, cuiue cōductor, aut hæres eius id ipsum vendiderit, vel donauerit, in dotem v. dederit, vel quouis alio modo alienauerit. Quapropter cum inter veteres dubitaretur, quisnam cōtractus ille esset & à quibusdam locatio, ab aliis venditio esse existimaretur, venditio quidē quod & ad hæredes trāsiret, & variis modis alienaretur, locatio vero, quod per singulos annos aliquid Domino daretur. D. Zenonem animaduerti, constitutionem edidisse, qua cōtractus huiusmodi Emphyteusis vocaretur, qui neque ad locatorem omnino neque ad venditionem spectaret, sed qui suis finibus cōsisteret ac proprio nomine gauderet, quo nomine appellari videntur ibi & Collatione 9. de alienatione & Emphyteusi Ecclesiæ bonorum, non solum cōtractus, quibus ad tempus res permanentes Emphyteutis fruendæ conceduntur cum Canone aliquo vel pensione, sed quæ etiam in perpetuū cum facultate eas alienandi, quibuscunque voluerint, cum eodem Canone ac pensione eisdem libera relinquuntur.

Quæ verissima cum sint, verissima quoque & hæc credantur non solum cōtractus omnes in quæstione hæcenus positos inter supra recitatas partes, sed ferè & omnes huiusmodi alios qui poni in futurum possent inter quoscūque Ecclesiasticos, ac Sæculares homines non posse pertinere (si tamen pertinere dicēdi sunt) nisi ad posterius Emphyteusis genus, in quibus cum nihil contra Emphyteusis Naturam, aut Ecclesiæ libertatem statutum à Venetis sit reperire, immo Emphyteusis, hæc posteriores conditiones maximè seruatz cum sint, Summum Pontificem, tam dirè contra Venetos desuare hanc quoque ob causam mirandum est valdè. Prioris vero generis conditiones, cum vix aliquæ reperiantur eis Venetos derogare, supra exposito decreto, non est dicendum.

Quid si Emphyteusis cōditiones Veneti non seruauint, vt falso asseritur, in supra enumeratis cōtractibus ac iudicatis, leuia certè adhuc ac nulla eis imponuntur.

Vellem repetantur, quæ ego luce clariora esse existimo, Venetæ Reipublicæ patres sapientissimos, quemadmodū immediatè à Deo, non ab humano aliquo Principe traditum sibi Imperiū acceperunt, ita eosdem in administrandis rebus omnibus quæ suo Imperio subsunt nullius Principis legibus, nec Imperatoriis quidem vtis, sed suis propriis, diuinitus ad eas condendas eis concessa facultate. Vnde si qua in re legibus, aut statutis Imperatorum, aut aliorum Principum repugnant, excusantur, dummodo æternæ legi qui Deus est assentiant: Diuersarum enim gentium mores, ac instituta, diuersas quoque leges ac statuta requirūt, non enim iisdem legibus reguntur Persæ, & Arabes, Macedones, & Cretenses, neque enim eadem omnibus expediunt, sed interdum, & tēpora & casus diuersas leges exposcunt, leges enim quas vnò tēpore, necessarias videmus, easdē aliis tēporibus plerumque nō expedire videmus. Hinc est quod plerūq. leges ac statuta inter se pugnancia dicātur.

Veneti igitur si in Emphyteuticis bonis Imperatorum leges, statuta ac cōditiones

nes earundem non seruirent, mirandum non esset, à quorum enim auctoritate in nullo dependent, eorundem leges ac statuta seruare non tenentur.

An vero Summi Pōtēfices si eis Canones, vel Leges, circa huiusmodi bona præscribant, ad eas seruandas teneantur: Non videtur. Pontifices enim cum à Christo Domino, temporalium bonorum auctoritatem non habeant, ita nec leges in temporalibus, eisdem condere licet, quas certè si & condiderint inuitis Principibus, quibus ad eas condendas à Deo facultas concessa est, cui vsui futuræ sint nō video, quod certè cum nō liceat, multo minus ad alienas Principum temporalium leges Venetos compellere licebit: Alienæ enim Veneti leges non admittunt, suis vtuntur, & quæ suo cuique temporis ac rei conueniant diligenter curant.

Ad hæc autem omnia rectius & clarius intelligenda. Iubet animaduvertere, principio Deum Optimum Maximum, cum nulla adhuc Ecclesiarum bona temporalia extarent, ea solum Regibus, atque secularibus Dominis tradidisse, atque distribuisse, Spiritualibus autem viris, non nisi spirituales auctoritatem, atque ea omnia, quæ ad animarum salutem putantur necessaria concessisse, hisque à secularibus viris ea omnia quæ ad corpus, vitamque sustentandam pertinent, necessaria suppeditari voluisse.

Hinc primitiæ, decimæ, oblationes, & cætera huiusmodi, primum antiquitus in veteri lege cæpta, tum posterioribus ad multa vsque tempora, absque vlla temporalium bonorum possessione, sola ad spiritualium virorum sustentationem satis visa sunt esse, quando certè & religio & sanctimonia magis elucescerent, quàm in præsentia inter tot tantæque commoda vigent ac elucescunt. Nulla certè tunc temporis Ecclesiasticorum virorum extabant temporalia imperia, nulla Regna, nullæ Prouinciæ, nullæ Vrbes, oppida nulla, non prædia, nō agri, non domus. Sanguinem nullius Ecclesiastici fundebant, Tribunalia apud ipsos extabāt nulla, in quibus de vita, morteque ægeretur hominum. Summi Pontifices, quæ ratione Reges, ac Principes imperarent suis leges politicas nec præscribebant, nec infringebat, spiritualibus tantum contenti à politicis abstinebant, dominia nullius permutabāt, subditos à Regum, & Principum obedientia non absoluebāt, sed potius vt eis obsequium ac honorem exhiberent, cum Apostolo hortabatur. Et tamē Ecclesia Dei crescebat, numerus fidelium augebatur, vbiq. Orbis vniuersus Christi iugo ceruicibus suppositis, vnā fidem, vnum baptisma tenebat, fidelium volūtas vna, vnum cor erat. Summis Pōtēficibus summa reuerētia ac obsequium penè incredibile exhibebatur, Episcopos omnes ac cæteros Ecclesiarum rectores, non solum Christiani populi, verum etiam Reges, ac populorum Principes, perinde ac cælestia quedam numina venerabantur, Sanctitate enim præfulgebant, animarū saluti non opibus vacantes, ecclesiasticæ quærebant, temporalia aspernabantur, Christi pauperes non nepotes fratres, aut alios propinquos fouebant. Sed ista omittamus.

Ex dictis enim satis est, si constet iura Principum secularium in temporalibus bonis esse & antiquiora, & præstantiora, quam sunt Ecclesiastica, atque illa quidem à Deo Principibus temporalibus prius esse concessa, spiritualibus non item nisi Regum atque Principum auctoritate posterius. Vnde si casu aliquo Principes, aut Temporales Reges contingit exercere iudicia, seu leges præscribere pro communi omnium bono in sedandis controuersis, quæ inter Ecclesiasticos ac seculares circa temporalia bona possent exoriri, mirandum non est, in his enim versantur, quæ propriè sua sunt, ac primo illis à Deo concessa.

Velim temporalia omnia, quæ modo Ecclesiastici habent sciant ea non immediate à Deo, sed à temporalibus Principibus se accepisse & possidere. In quibus certe

quemadmodum viri Principes, ac Temporales Reges, eo quod illa immediatè à Deo acceperint, à Deo semper largitore dependent, rationem de illis reddituri, atque à Deo, si ei visum fuerit, strictiores conditiones recepturi, à simili cur Ecclesia fici in his quæ à temporalibus Principibus immediatè acceperint, eosdem in nullo recognoscere velint?

Ingrati animi maximum crimen, benignitate Principum accepisse, quicquid habetur eosdem in nullo recognoscere velle, & quod forsan est peius, ac execrabilius videri auctoritatem illam summam Principibus à Deo immediatè concessam, sibi tanquam propriam usurpare, eorumque regnis, ac fortunis insidiari.

Ex diuina plane dispositione omnis hic ordo, tam spiritualis, quam temporalis habetur, à Deo utraque disposita, cur negantur? Spiritualia spiritualibus tantum Deus concessit, eisdem in spiritualibus temporales Reges, ac Principes subesse voluit: Temporalia Regibus ac Principibus secularibus tantum tradidit, ab eisdem in temporalibus, spirituales viros dependere, cur negatur? Inuicem hæc dependent, mutuis officiis sese iuvant, Principes in his quæ ad animæ salutem pertinent spiritualibus hominibus egent, spirituales vero homines in his, quæ ad corpus, vitamque exigendam faciunt à temporalibus Principibus & viris, à quibus temporalia omnia acceperunt, necessario dependent.

His ita explicatis, ignoratur, quod scelus Principes seculares committere possunt contra spirituales, cum in temporalibus bonis ab eisdem requisiti versantur, quæ ipsis à Deo immediatè concessa sunt, Ecclesiasticis vero non nisi ab ipsis secularibus magistratibus posterius, atque in his quidem, non auferendis, sed stabilendis, cum leges & conditiones præscribunt pro communi subditorum bono ac pace. Ius enim reges atque Principes, in huiusmodi bona habent, quæ ratione illa conservari ac augeri debeant, pro communi omnium bono, leges & conditiones eis præscribere cur non licet? quod autem de temporali principum ac regum auctoritate disputamus, idem quoque de Venerabili Venetæ Reipub. Maiestate in telligi volumus, dum emphyteuticis Ecclesiarum bonis, si tamen emphyteutica sunt, leges ac conditiones præscribere videtur.

Hæc ratio si alicui infirma, vel aliena à re videatur, quæ apud alios certe firmissima, ac validissima est, rationes enim ex naturæ fontibus depromptas semper validiores, ac firmiores esse existimavi quàm quæ ex principum ac regum placitis eruantur, adducam tamen & firmiores.

Reprehenduntur Venetæ, ac propterea anathemate etiam feriuntur (si tamen anathema, innocuos homines ferire potest) quod emphyteusim Ecclesiasticorum evertunt.

Quis reprehensio, nec maximi facièda. Quæ ratione quæso hæc evertit? Quod lege inquit canent, ne Emphyteusis conditiones feruētur: Quæ conditiones? Quas legibus aūt, Imperatores ac Pōtiffices præscribūt. Obmutescāt quæso, nec talia effutiat. Venetæ profecto Reip. institutū non percipiunt quæ extra omniū rerū ordinē, extra Orbem ipsū diuinitus posita suspiciunt; Leges Imperatorias, aut Pontificias, quæ politicam administrationem concernunt, Venetos non admittere supra ostendimus. Ex naturæ fontibus rationes, cur id faciant, si tamen faciunt validissimas adduximus. Quæ si satis non sunt, pulchre quæso afficiantur, confendantur, obmutescant, iniustissima expositio. Vellem animaduertant quis primus, contouersias, vel lites circa huiusmodi bona est contestatus; quis Venetorum tribunalia, aut magistratus primus adit? quis prior quoniam miserabilem instituisse tentauit? Ecclesiastici ne seculares homines, an seculares homines, Ecclesiasticos viros?

Actores tantę controuersię nemo non vidit Ecclesiasticos fuisse. Proh dolor unde religionis iustię, ac pacis omne exempla debebant sæculares homines capessere, inde controuersiarum litium, ac cupiditatis exempla eosdem nunc capessere, inauditum à pietate alienum, quis non horrescat?

Non sunt quidem veriti Ecclesiastici viri, Emphyteutico pallio amicti plures illustres ianuias, miserabiles viduas, pupillos, ac alios fere sexcentos, eorumque opes, ac bona deglutire, ac comprimere, que quisque bona fide, ac iusto titulo, iam multorum annorum spatio arbitrabatur, à maioribus suis, & aliis se & accepisse & acquisuisse, quę certe si priuata auctoritate eis efficere, licuissent, iam effectissent, partisque Patauina Diocesis maioris, ne dicam totius iam Comitatus & Dynastie fuissent.

Verum quoniam hæc ad sua vota propria auctoritate conducere non poterant, primi sunt Venetos Magistratus adorti; primi ius sibi fieri ab eisdem sunt obnixè impetrati: Neque enim alium iudicem eis exposcere fas erat, omnes in hoc sapientes viri consentiunt. ita utraq; hæc fieri permittunt, consensus communis approbatactor inquit omnes debet sequi forum rei.

Sæcularibus etenim hominibus si cum Ecclesiasticis per iurgia, aut lites erit agendum, ab eisdem aliquid, vel repetendo, vel exigendo exceptis causis sæcularibus, & possessorio, eos certe non ante alium iudicem conuenire licebit, quam ante Ecclesiasticum, cuius dicto ac sententię vsque ad supremam Summi Pontificis erit, & standum & parendum. Neque enim à b Ecclesiastico foro, ac eiusdem fori vltima sententiã modo aliquo potest ad sæcularem iudicem, aut appellari, aut reclamari.

Simili modo si Ecclesiasticis hominibus contigerit à sæcularibus aliquid vel exigere, vel recuperare, causis Ecclesiasticis semper exceptis, eisdem certe non licebit, sæculares homines conuenire nisi coram iudicibus sæcularibus, vsque ad supremam eorundem iudicum sententiã, atque tribunal. A quo sententiã quamcumque acceperint, debent eidem & stare & acquiescere. Nec Iudex Ecclesiasticus, etiam si Summus Pontifex sit, potest eandem sententiã, aut infringere, aut confirmare. Hęc adeo nota sunt, vt probationibus non egeant.

Religiosis itaque à Prælatibus, seu Ecclesiasticis alijs quibuscumque si à Venetis Magistratibus, ac tandem à Senatu ipso Venetæ Reipob. supremo ipso Ecclesiasticis, sic poscentibus contra sæculares suos Emphyteutas, si tamē Emphyteutę sunt (Dei æterni nomine inuocato) quod moris est Venetis in omnibus iudiciis inuocare, Ius æquum & redditum & administratum fuit.

Quid nunc est, quod Ecclesiastici iidem Venetorum iudicatis, seu decretis sibi nec standum, nec assentiendum putant?

An forsitan ad Sanctam Sedem, huiusmodi controuersię pertrahendę, aut huiusmodi iudicata infringendę? Inauditum commentum contra iura, contra sapientium sententiã, contra consuetudines: nihil hoc certe aliud esset, quam à sæculari iudice causas omnes, quę iure ad eum spectant, ad Summum Pontificem, velle auocare, quod Alexandri Tertij Pontificis responso supra expressè repugnat, negat enim ipsę appellationem quamcumque à Iudice sæculari ad Summum Pontificem teneri, qui Iudex à Pontificis temporali iurisdictione minimè dependet.

Sed hæc forsitan miranda non sunt, quisque enim in propriis causis cum decipi possit, omnia sibi licere existimat. Mirandum est ipsum Summum Pontificem eis assentire, eorumque opiniones fouere ac sustentare.

Vtinam adulatores silerent, quique viri Sanctissimi, atq; Doctissimi sunt, hæc de

esse. Nulla enim vel paucissima admodum huiusmodi instrumenta siue contractus reperiuntur. Quod si nulli contractus, nulla bona Emphyteutica. Si nulla bona, nullæ controuersiz, nullæ lites deberent esse.

Neque enim dicendum est, quidquid Ecclesiasticis titulo quocūque responderetur, id ratione Emphyteusis illis responderi, hæc enim ratione omnia emphyteutica, omnia Ecclesiastica essent, nulla secularia, vix enimulare aliquid bonum est, unde Ecclesiasticis, aliquid non soluatur. Quæ dicenda non sunt, alioquin Ecclesiastici homines, ratione & decimatum & primitiarum & quaritæ & ceterorum quæ alicubi illis soluuntur, possent prætere iura & actiones, in omnia secularium personarum bona, & illa vel emphyteutica, vel aliquo aliò huiusmodi nomine nuncupari. Quæ certè quemadmodum inepti hominis esset, ratione prædictarum solutionum velle prætere, ita quibique ineptiz est, ratione emphyteutice solutionis, cuius nulli certi contractus apparent, ea sibi vel procurare, vel exigere.

Quis enim certus esse potest eas pensiones, quæ Ecclesiasticis, nomine emphyteusis soluuntur, eas non ratione emphyteusis, sed alia quadam puta elemosinæ, consuetudinis, vel testamentariæ alicuius memorabilis obligationis eis persolui, ac responderi? Hæc in re Ecclesiastici, ne verbum quidē profiteri debent, multo minus anathematizari, ac interdicto obtemperare ac nuntiare. Pudet me certe de huiusmodi rebus vel recordari, ne dicam proloqui aut scribere. Confundatur quæso quicunq. & hæc postremam causam, alijs tribus adici auctores fuerunt. Deum quæso vereantur, si homines, aut Principes non vereantur, cuius manus effugere est difficile.

Nullo itaque Emphyteusis existente instrumento. Quid aliud poterant Veneti statuere, quam quæ sapientissimè statuerunt supra exposito decreto?

Quod si fortè aliqua emphyteusis instrumenta & videantur. Adhuc tamen Venetis non erit timendum; Quin maiori ratione suum illud decretum tueantur, quæ Ecclesiastici iura illa in secularium personarum bona præterant, atque exigant.

Vellem Ecclesiastici verum fateantur, atque apertè dicant. Bona illa, quæ ab ipsis in emphyteusim concessa secularibus hominibus, per emphyteuticos illos conuentus apparerent. Antequam hæc concederentur cuiusnam illa bona erant? Ecclesiastica ne? An Principum secularium temporalia?

Ego quidem sic existimo, si vtilia, eorum quibus vtilia erant, quod si inutilia, ac otiosa, nullius. Quod enim inutile, ac otiosum est, Nullius putatur esse, habetur enim pro derelicto. Derelicta autem omnia cuiuscunque illa fuerint, non sunt certe, nisi primi eorum Auctoris, ac creatoris Dei, ac pedisequæ eius naturæ, & Principum temporalium, quibus immediatè Deus ea concessit, & in quos omnia statim ac derelicta sunt, redeunt, tanquam in suos veros, ac principales dominos.

Ecclesiastici igitur si huiusmodi bona laicis concedunt, ea certè videntur concedere, quæ sua non sunt, sed aliena, sed Principum secularium. Ob hæc certè solam causam debent Ecclesiastici conticescere, atque iudicatis Venetorum contenti concessis pensionibus deberent & vti & lætari. Melius certè cum eis actū esse putatur, quam cum secularibus emphyteutis, Ecclesiasticis enim ea conceduntur, quæ forsitan sua non erant, secularibus vero, ea imponuntur, à quibus & absolui poterant.

Monstri simile esse videtur, Ecclesiasticos primo Venetorum bonis occupatis, mox his in emphyteusim secularibus hominibus concessis insecundis derelictis, nullius vtilitatis, atque à secularibus quidem bona fide ad meliorem conditionem reductis, labore, industria, impensa maiori certè, quàm si emerentur; Velle tandem non pensiones, quæ nescio quo modo illis soluuntur. Sed ipsamet bona, iam effecta secunda, & vtilia, non secus atque ipsimet in ipsis elaborassent, atque omne studiū

omnemque sollicitudinem adhibuissent, cum maximo secularium personarum, & damno & scandalo.

Vtinam natura huiusmodi bonorum agnoscatur, profecto Ecclesiastici minus oblatereperent, nec Venetos qui forsitan dormiunt excitarent.

Sed si aliquatenus & vtilia, non tamen derelicta, & otiosa omnino bona eadem esse perhibeatur, id est pensiones aliquas exiguas, ex ipsis tamen infecundis percipiantur, cuiusmodi certè paucissima fuisse creduntur. Adhuc tamen impium, atque ab æquitate alienum esse videretur, præter pensiones, quæ ex illis singulis annis solvantur, velle præterea aliquid aliud ultra pensiones, quod longe pluris valet, quam nec pensiones, nec bona in Emphyteusim concessa, libertatem scilicet secularium, atque ipsamet iura Venetæ Reipub. Pulcherrimæ certè venationes essent istæ, aut potius piscationes in stiribus atque vadis nulla quidem, aut fœda elca, magnos piscari pisces, cum Christus Dominus non pisces, sed homines, sed animas, non bona temporalia, non uerit Ecclesiasticos piscari.

Multis certè huiusmodi contractus usurarij possent videri. In his enim aliquid ultra sortem, pecunia æstimabile intenditur. Ego certè eos non usurarios, sed deceptorios, sed proditorios existimo.


Produntur enim primo seculares homines, qui impensa penè incredibili, cum super huiusmodi bonis, antiquioribus suis cum modica illa pensione cõcessis, bona fide construxerint domos, palatia, hortos, vinea, aut alia similia prohiberent, ne de illis disponant, prout eis libet (salua semper Ecclesiasticorum pensione, atque directo) non vendere, non donare, non testamento legare, non quocumque alio modo, amicis, parentibus, pauperibus, aut aliis quibuscumque personis concedere, vel elargiri, nisi prius ipsimet Ecclesiastici pensionarij consulantur, & præferantur. Quæ certè sicut & superiora si locum apud Venetos haberent, Ecclesiastici quidem apud eos Principem, ac Senatum agerent, Veneti vero patres & Principes Ecclesiasticos viros exhiberent. Absurda in Ecclesia Dei maxima.

Produntur quoque & Veneti, & quidem non à proximis in se libis, sed ab ipsismet Ecclesiasticis, amicis, atque domesticis: namque dum paulatim bona huiusmodi ad Ecclesiasticos deueniunt, quæ verisimile est, fore ut omnia deueniant, Priuantur ipsi Veneti suis decimis, pensionibus, solutionibus, & aliis huiusmodi, quæ ipsis ad sui Imperij onera, facilius ferenda ab ipsismet secularibus, ratione supradictorum bonorum solvantur, singulis annis & temporibus, quæ bella aut aliæ graves occasiones, possent asferre.

Postremo huiusmodi contractus omnes, si qui tamen sunt eo ipso suspecti atque irriti esse debent, quod in graue damnum Venetæ Reipub. celebrati atque confecti videntur.

His quid possit opponi non videbitur enim ex dictis Venetorum rationes patent. Nisi forte quis ea opponat, quæ certè nullam vim habent, non potuisse scilicet Venetos infringere, aut immutare contractus Emphyteuticos anteriores suo dominio, sed eos debuisse in sua natura, ac robore conseruare & custodire, sicuti & antequam Veneti Emphyteutis secularibus dominarentur vigeant.

Sed hæc infirma & ex supra dictis satis resoluta, hæc enim Veneti non infirmant, immo confirmant in istis itaque acquiescant Ecclesiastici rationibus, nec sibi falso Emphyteutarum nomen usurpent, aut aliorum Principum leges, vel privilegia Venetis adducant. nos interea ad quartam, seu postremam difficultatem accedamus.



Controuersia quarta.

*De Ecclesiasticis scelestis hominibus, à Veneto Saculâri
Magistratu mulctandis.*

Postrema Controuersia, quæ fortan origine est omnium prima, versatur in Ecclesiasticis, scelestis hominibus mulctandis, à sæcularibus, Venetæ Reipub. magistratibus, in his tamen quæ turpissima, ac grauissima sunt, quæque mulctanda, non nisi ad sæcularem principem, ac magistratum pertinent.

Hæc controuersia (vellem silere, verum si ipse silerem, res ipsa pro se loqueretur) duos nescio quos ex Ecclesiastico ordine, fertur habuisse, auctores, & Principes, homines omni scelere peiores.

Abbatem vnum, venetum, sicarium, sanguinis humani cupidum, violentas enim fertur non abstinuisse manus ab hostibus, ab amicis, à domesticis pro scelus, à progenitore ipso, qui cum genuit, qui edocuit, qui dedit, non violentæ iâ manus, sed impiæ, sed sacrilegæ, sed parricidæ, stupræ in ipso, adulteris, fornicationes, & cætera huiusmodi vitia, quæ turpis libido suadere solet, leuiter putantur. Sorori, infelix, non pepercit, forde turpissime abusus dicitur, ut amplius non Ecclesiasticum, non hominem, sed brutum animal, se & exhiberet & profiteretur.

Alterum controuersie tantæ auctorem Canonicum quandam Vicentinum ferunt, libidini prius non absumilem, qui stimulis efferatæ libidinis actus, turpitudinis suæ illecebras in honestissimam Vicentiæ matronam sui affinem cum exercere non posset, quam mirum in modum prius & sollicitauit verbis, minis, astu non solû domi, verum etiam foris in publico, in templo oblitus officii clericalis, matronæ honestatis, affinis, familiæ conspicuæ splendoris, tadem quæ spurcissimo scorto non conuenirent, in rabiem versus, matronæ tantæ sanctitatem, atque honestatem afficere non est veritus, notis turpissimis, valuis pudicissimæ femine donis noctu illius, atque iniectis, indicem apponens non honestatis, sed turpitudinis, sed infamix, sed scorti, sed prostibuli, scelus vix expiandum omni tormentorum genere, quod etiam si expiatur, matronæ tamen honestas ac sanctimonia, pristinam nunquam recuperabit integritatem: hæc spurcissima, temeraria illa consequuntur, non fuit enim illi audere satis, quicquid turpis libido eû est adhortata, in publicæ Maiestatis contemptum publica Diui Marci sigilla, quibus scribarum tabernæ Vicentini Episcopatus (ipso summo scriba sic efflagitante,) obsignatæ (defuncto Episcopo) totæ conseruarentur, læsæ Maiestatis crimen temerarius contempsit, violauit, fregit.

In hos scelestissimos homines cum animaduertere Veneti de more vellēt, (nec enim procacissimorum hominû audacia, aliter coerceri posset:) Exempla quippe vitiorum in Ecclesiasticis imposita, ad similia perpetranda plurimum sæculares mouent. Mirum, inauditum, à Summo Pontifice, fouentur, tutantur, ne munus suum

Veneti exequantur, pallio Ecclesiasticæ libertatis impediuntur, atque anathemate inauditò prohibentur. O tempora, o mores, quid aspiciamus? homines culeo infuendos, atque in profundum maris demergendos, ita quidem vt ne nomen cõfusi amplius numeretur, velle nunc & tueri & protegere, atque ita protegere, vt potius Ecclesiam Dei ruere, Orbem vniuersum in arma concurrere sit certum, quam iisdem ad quos spectat eos iure quidem diuino, & Summorum Põtificum assensu, & mulctandos, & corrigendos permittere.

Hec ne temere, aut casu aliquo dicta videantur, pluribus ostendam iure quidem id Venetis, & concedi & licere.

Scelera certè impunita esse non debent, id adeo clarum est, ex omni lege, vt probationibus non egeat.

Ac quidem cum scelus pœna sit duplex, Spirituales vna quæ ad animæ maculas detergendas spectat, quales sunt censuræ lere omnes, atque præter censuras irregularitas, depositio, degradatio, ac temporales non vllæ aliæ leuiiores, in ordine tamen ad spiritualem animarum profectum, corporalis altera grauior, qua mulctantur corpora, vinculis, exilio, sanguine, vita.

Verius certè ac probabilius putari debet Ecclesiasticis viris spirituales tantum pœnas à Deo concessas, corporales vero grauiores, non nisi secularibus Magistratibus; Neque enim verisimile est à Christo Domino, aliâ potestate Ecclesiasticis permissam, quam spiritualem, Sanguinis enim effusio à Christi Domini pietate, ac vitæ mortalis violenta priuatio, valde aliena putari debet, Quod idem & de Ecclesiasticis dicendum, si Christi Domini sectatores esse volunt, Principibus vero ac pollicis Magistratibus, non nisi in corpora, corporali pœna, sanguine, ferro, vita, animaduertere, ac deservire. Hanc enim ob causam, & gladius illis concessus est, non enim sine causa inquit, Apostolus gladium portat, (loquitur de seculari Principe, & Magistratu) minister enim Dei est.

Quæ certè negari non possunt. Adeo enim vera sunt atque ibi ipsi sunt Ecclesiasticis concessa, nisi fortè qui spiam asserat & dicat, Ea vero esse in secularium sceleribus, ac excessibus puniendis non Ecclesiasticorum, qui secularibus Principibus subiecti non sunt. Ergo Ecclesiasticorum scelera impunita, Ecclesiasticis enim superioribus ea punire non licet, à secularibus non possunt, Ecclesiastici igitur impuniti debacchètur, fütentur, uxores secularium, ac filias comprimant, rapiant, omnia eis liceant, omnia expediant.

Terguerentur Ecclesiastici quantum velint, sacras scripturas glossent, interpretentur prout eis libuerit: nemo quisquis ille sit, siue secularis siue Ecclesiasticus, iure diuino exemptum se esse iactet, à Principum secularium censura, eorum quæ turpissima, ac grauissima committunt in iporum Regnis ac Dominio, contra Deum, bonos mores, ac quietam viuendi rationem. Deus enim nullius sceleris fauet.

Nec certè D. Paulus ad Romanos 13. cum omnes subiicit Principi. Laicis, aliqut ab eorum obedientia ac censura eximit, aut absoluit, omnis enim inquit, anima potestatibus sublimioribus subdita sit, non enim est potestas nisi à Deo, quæ autem sunt à Deo ordinata sunt. Itaque qui resistit potestati Dei ordinationi resistit, qui autem resistunt, ipsi sibi damnationem acquirunt. Nam Principes non sunt timori boni operis sed mali, vnde non timere potestatem? bonum fac & habebis laudem ex illa, Dei enim minister est tibi in bonum, si autem malum feceris time, non enim sine causa gladium portat. Dei enim minister est, vnde ex ira ei qui malum agit, ideoque necessitati subditi estis, non solum propter iram, sed etiam propter conscientiam, aurea sane verba, bis enim Diuus Paulus, hoc loco subiectionis vocabulo est vsus, omnis anima potestatibus sublimioribus subdita sit, & infra: Ideoque

necessitati subditi esse, non solum propter iram, sed etiam propter conscientiam. De exemptione certè ne verbum facit: Iure enim diuino à Principum secularium censura neminem censebat exemptum esse.

Locum hunc inter alios interpretati sunt, D. Ioannes Chrysostomus Orientalis Ecclesie egregius Doctor, Nec non Sanctissimus ac Doctissimus vir D. Thomas Aquinas, vellem consulantur supra. O quam clarè cuique patebit omnes homines cuiuscunque ordinis, ac status sint, ex horum sententia ac Diui Pauli loco supra Principibus secularibus subiectos non exemptos iure diuino ab eorum censura esse debere tū vel in his quæ multa ac animaduersione corporali egent. Vterq; enim verba illa, nō ad alios quam ad seculares Principes ac potestates accommodat.

Diui Thomæ certè in hunc locum supra (erat quidem & ipse ex Ecclesiastico ordine Religiosus) hæc verba sunt. *considerandum est, quod quidam fideles in præsentia Ecclesie dicebant se uenisse potestatibus se subditi non debere; propter libertatem quam consecuti erant à Christo, secundum illud Ioannis 8. si filius vos liberauerit, verè liberi eritis. Sed libertas per Christum concessa & libertas Spiritus qua liberamur à peccato & morte, sicut supra dictum est, lex Spiritus in Christo Iesu liberauit me à lege peccati, & mortis. Caro autē adhuc remanet seruitus obnoxia sicut supra 7. dictum est. & ideo tunc nulli subiectioni homo per Christum liberatus erit obnoxius, nec spirituali, scilicet nec carnali. unde dicitur 1. Cor. 13. cum sit ad idem ut Christus Regnum Deo patri, & euacuauerit omnem Principatum & Potestatem. Interius autem cum corruptibilem carnem gerimus, oportet nos dominis carnalibus, subiacerē. Unde dicitur Ephe. 6. seruū obedite dominis carnalibus. Et hoc est etiam quod hic Apostolus dicit, omnis anima potestatibus sublimioribus subdita sit. Hæc Diuus Thomas, si- cut & multa alia præclara in hunc locum.*

Ex quibus apertè constat, exemptionem à Principum secularium censura, & subiectione, quam quis de iure diuino Ecclesiasticis concessam tueri vellet esse prorsus imbecille ac nullam.

Apostoli profectò, Euangelistæ Martyres, terrenis dominis subditi voluerunt, His quæso maiores esse nolimus. *Qui enim potestati resistit, inquit Apostolus, Dei ordinationi resistit, qui autem resistunt ipsi sibi damnationem acquirunt.* Et quoniam Apostoli, & Martyres, Principibus & potestatibus, aliquando uisi sunt resistisse, & propterea non damnationem à Deo sed præmium sunt consecuti:

Ad hoc dicendum est, inquit Diuus Thomas ibi, *quod Apostolus loquitur hic de eo quæ resistit potestati inferiori secundum quod est à Deo ordinata, habet enim inquit hæc diuina ordinatio ut potestati inferiori non obediatur contra superiorem ut Proconsuli non obeditur contra Imperatorem, nec Baylio contra Regem, cum autem omnis potestas humana, sub potestate Dei ordinatur, sit ut nulli potestati humana sit contra Deum obediendum, secundum illud Act. 5. non quarto, oportet obedire magis Deo quam hominibus. Unde apertè copulat, ex Diui Thomæ doctrina, ne Apostolos quidem aut Martyres, à Principum secularium subiectione, & censura exemptos fuisse. Eadem & clariora multo ex Diuo Ioanne Chrysostomo ibidem perspicui possunt. nos illa pio lectori relinquamus.*

Fauet huic nostræ sententiæ, Cardinalis Bellarminus ac erimus Ecclesiasticæ libertatis propugnator, Qui non solum iure diuino negat clericos exemptos à subiectione secularium Principum, verumetiam concedit iure diuino potestatibus sublimiorib. eosdē subiectos esse. In responsione enim quadā ad cuiusdā Petri Martyris argumentum, quod tomo 2. controuersiarum Tit. de Clericis, cap. 28. ipse sibi proponit, eius hæc verba sunt. *Quamuis enim ius & diuino sit omnis anima potestatibus sublimioribus subdita, ac per hoc etiam Regibus, dñi sublimiores potestates se non uident fieri po-*

test, ut quæ nunc est sublimior potestas, paulo post non sit, ut si ipse subiciat alteri partem sui Regni, vel iure belli, aut alio iusto titulo Regnum, vel Regni partem amittat, quoniam ergo clericis partim ipsi Principes subiecerunt in omnibus causis etiam temporalibus, & civilibus Episcopi sunt: & postremo Summus Pontifex clericos omnes eximit à subiectione Principum secularium, sequitur ut respectu clericorum non sint Principes superiores potestates, ac promde non tenentur clerici Principibus parere, neque iure humano, neque iure diuino, nisi quantum ad leges quasdam directiuas.

Tria colliguntur ex dictis. Vnum est, iure quidem diuino omnes etiam Ecclesiasticos Principibus secularibus subiectos esse: Alterum vero est, Ecclesiasticos non quidem iure diuino: sed humano positivo à Principum secularium subiectione, ac censura exemptos esse.

Vtrumque dictum nostræ sententiæ fauet: Ac primum quidem si verum est, ut Diuus Paulus asserit, & Bellarmin. interpretatur ac concedit, Veneti iam Victores latari ac exultare deberent, Scelestos enim Ecclesiasticos sibi subiectos, dū corrigunt, nihil non iure diuino sibi concessū efficunt. Alterū vero, si valet, clarū est, Ecclesiasticos quidē iure diuino à Principū seculariū subiectione exemptos non esse.

Quod si iure diuino exempti non sunt, Pontificum, aut aliorum Principum secularium exemptiones, quantum valere possint Ecclesiasticis, qui in temporalibus, sibi subiecti non sunt, haud perspicio. Hoc vnum scio, Principes sibi non subditos non posse eximere. Filium enim à subiectione patris nemo eximere potest, nisi solus pater, seruum à subiectione Domini ipse Dominus: Subditos tandem à subiectione Principis solus Princeps cui subiiciantur, ceterorum nemo.

Tertium vero quod in fine addit Bellarminus clericos nempe non teneri Principibus parere, neque iure diuino, neque iure humano, nisi quātum ad leges quasdam directiuas.

Miror hoc Bellarminum concedere, sed non poterat non concedere: alienum enim à veritate videretur Ecclesiasticos posse impune rectum ac pacificum viuendi modum secularium Principum, prout eis libuerit, vel confundere, vel euertere. Quamuis nec absolute id ita esse assermet. Dictum enim hoc tertium cum moderatione quidam ex præcedentibus pronuntiat. Vbi Ecclesiasticos ad obseruationem legum civilium, dixerat teneri, non posse autem eos à iudice seculari iudicari, si leges civiles, non seruent.

Pugnant enim hæc inter se teneri, & non posse iudicari, aut puniri, si enim tenentur seruire, ergo & puniri si non seruent. Diui etenim Pauli verba clarissima sunt, ait enim, qui resistit potestati Dei ordinationi resistit, qui autem resistunt ipsi sibi damnationem acquirunt. Quod quidem Diuus Thomas eo in loco, ait posse intelligi, non modo de damnatione eterna, quam merentur qui potestatibus subijci nolunt, in eo quod debet. Alio modo de damnatione pænæ, quæ per ipsos Principes inferitur Num. 20, sicut rugitus Leonis, ita & terror Regisque promouit timorem, tantum in animam suam.

Si igitur ex Bellarmino tenetur Ecclesiastici ad leges civiles seruandas, possunt ex Diuo Thom. à secularibus Principibus & puniri si non seruent. sed ista omittamus.

Sufficit enim nobis ex dictis Ecclesiasticos saltem iure diuino non esse exemptos, à Principū secularium obedientia ac censura, eorum tamen quæ temporalia sunt, quæque temporalem eorum ac politicam administrationem concernunt.

Quod si iure diuino exempti non sunt, extant certe rationes validissimæ, cur illis subiiciantur. Clerici certè præterquam clerici sunt, sunt etiam ciues & partes quædam Reipub. politicæ, quæ ratione ut tales sunt debent viuere civilibus legibus, & illis obtemperare, maxime his quæ dirigunt actiones humanas, in commerciis temporalibus,

poralibus, vt cum Princeps vel Magistratus constituit pretia rebus venalibus, vel iubet nocta neminem incedere cum armis, vel sine lumine, vel non asportare frumentum extra Prouinciā, & his similia. Quas quidem clerici ea ratione qua ciues sunt debent non solum seruari, sed etiam custodire, vt seruentur, quia secus magna perturbatio & confusio in Republica oriretur, si clerici has leges, vel non seruarent, vel contemnerent.

Nec enim eo quod clerici sunt, ciues esse desinunt, status enim diuersus, aut officium ea que sunt naturalia non mutant. Natura sumus ciues, homo enim est animal sociale, clericatus naturam non destruit. Quemadmodum & adolescens aliquis patris cuiusdam filius, eo quod Ecclesiastico ordini ascribitur, per ordinis alicuius susceptionem non desinit esse filius, à patris obedientia, aut censura exemptus. Est enim patri subiectus, & tenetur licet Clericus sit, parentis sui præceptis, ac legibus obtemperare, quæ tamen rationi, ac diuinæ legi non pugnant, quod idem & de Ecclesiasticis dicendum.

Deus enim vt habetur etiam in Epistola Nicolai ad Michaelē prope finem, diuinit Pontificiam auctoritatem ab Imperiali, vt Christiani Imperatores pro æterna vita Pontificibus indigerent, & Pontifices pro cursu temporalium rerum Imperialibus legibus vterentur.

Valentinianus Imperator in Epistola quam scribit ad Episcopos Asiæ, apud Theodoretum lib. 4. Hist. c. 7. nonne dicit probos Episcopos, non solum Dei, sed etiam Regum legibus debere obtemperare.

Et D. Ioannes Chrysostomus in capite 13. ad Romanos, nonne dicit Christi Evangelio, non tolli leges politicas, sed debere etiam sacerdotes & monachos eis parere.

Iustinianus Imperator in Nouellis, Ecclesiasticos quidem exemptos a seculari iudicio, in causis tamen criminalibus non exemptos, sed voluit à Prætorē cognosci causam, non tamen condemnari clericum, nisi prius ab Episcopo fuerit degradatus.

Ex quo etiam aperte constat, clericos iure diuino non esse exemptos, nisi Principum privilegio, re vera autem eos teneri ad obseruationem legum ciuiliū præsertim earum, quæ concernunt rectum, ac pacificum viuendi modum.

An vero Summus Pontifex potuerit eos eximere à recta hac & pacifica viuendi ratione, nihil statuo, præter ea, quæ supra dicta sunt, & quæ quisque rationis ipsius ductu per se ipsum colligere potest.

Hoc tantum addam, Ecclesiasticos multis in locis ita abuti Pontificum, ac Principum privilegio, vt plerique eorum, maiorem sibi libertatem in omnibus usurpent, quam si sine Deo, ac legibus essent. Quorum facinora impunita si recensere vellem, aures horrescerent.

Nec Ordinarios locorum mihi aliquis adducat doctissimos, sanctissimos, vigilantissimos in eiusmodi facinoribus mulctandis, coercendis, purgandis, Quid si non essent? aut non possent? aut timerent? quid si familiares parentes, aut complices delinquentium essent? quid si auditores venales haberent? Multa feruntur, multa leguntur, multa & videntur omnia enumerare non expedit.

Nemo certe patrefamilias melius scit suæ domui præesse, studeant quæso Ordinarii locorum, animarū salutē præesse, facinorosos vero Ecclesiasticos propter scelera patrociniū Ecclesiastico indignos, relinquant quibus iure incūbit & mulctandos & corrigendos, pures familias in ciuitatibus, atque in rebus publicis sunt principes, ac Magistratus, quibus nemo melius suos ciues ac partes Reip. inter quas proculdubio sunt etiam Ecclesiastici, norit aut continere, aut corrigere. Venetis patribus an

huiusmodi excessibus multandis quis aptior? quis maturior? quis prudentior? ad Decē viros cura hæc omnis spectat, magistratū certē apud Venetā Rempubl. sanctissimam, quem hæc tenus nihil non sanctum, non pium, fecisse vidimus.

Vltimo tandem loco addam quæ sola summum Pontificem debent à peractis contra Venetam Rempub. & commovere & removere. Etenim qui Romanorum Pontificum permisso ac scientia in scelestos Ecclesiasticos iure diuino non exemptos, sed sibi, quacūque sunt maxime subditos animaduertunt, Quæ ratione reprehendi debeant, non video. Qui certē si & reprehendi debent, reprehendantur quæso prius Apostolus ipse qui eishæc cōuenire est interpretatus, sanctissimi atq; doctissimi viri. Diuus Ioānes Chrysostomus, atq; Diuus Thomas Aquinas. Sūmi Pontifices, quæ facultatem hanc Venetis, & rationi, & diuinæ legi consonā permiserunt.

Extant quidem apud Venetos hæc in re, plurimæ summorum Pontificum, patentes litteræ Sixti IIII. anno Domini 1474. quarto Nonas Iunias, non spernendæ eiusdem alig eodem anno, atque mensē, pridie tamen Calendas Iulii, replicata. Innocentius Papa VIII facultatem hanc Venetis à Deo certe ipso, iam à principio concessam, non solum cōmendauit, verū ad casus omnes graues, ac turpes extēdit, vt videre est in patentibus litteris eiusdem Pontificis, datis Romæ anno Domini 1487. pridie Calendas Decembris: habentur præterea hæc de re apud eos patentes litteræ Alexandri Sexti, Pauli Tertii, ac tandem cōmunis assensus, & scientia omnium Summorum Pontificum quotquot à Paulo Tertio, ad hæc nostræ ætatis tempora extiterunt.

His iuribus Veneti adducti, his rationibus permoti, hoc tandem applausu, ac Summorum Pontificum consensu decorati, scelestissimos illos Ecclesiasticos, in vinculis ac carceribus apud se constitutos, dum corrigere, atque mulcare procurant, anathemate impediuntur, prohibentur. quid dicendum? mihi quidem hæc in re multa animum perturbant, falsa an vera ignoro. Nolim vera sint, quæ passim de scelestis illis hominibus, feruntur: Munera nescio quæ iactat vulgus, pollicitationes multas, internuntiis, patronis, si eos à Venetorum censura, ac iudicio eximant, Nuntis Summi Pontificis iudicandos committant. Vident enim infelices, iustissimam integerrimam Decemvirum Magistratus sibi sententiam imminere, & confisos se criminum sibi impositorum agnoscunt, timent, verentur, expauescunt.

Sūmū Pontificē, tā enixē pro his elaborare miror, atq; ita elaborare, vt plaris apud ipsū sint turpissima, atq; castis auribus omnibus inaudita hæc tenus eorū facinora. quæ Venetæ Reip. & Religio, & integritas. quæ ipsa Christiana Resp. quæ rure atq; periclitari videtur, ita quidē vt nunquā magis, videntur enim aliqua nonnulla & audiuntur. Hæc pro impiis, & scelestis hominibus geruntur, quid pro sanctissimis, integerrimis, atque innocuis Ecclesiasticis agatur, si à secularibus Magistratibus eos contigerit, vel male affici, vel tractari, veteor certē ne foueantur.

Intelligi non potest, vnde fit, vt quæ natura ipsa Duce, ac tot Summorum Pontificū permisso, auctoritate, ac sciētia, Venetis hæc tenus visa sunt expedire: ea nūc vni Sūmo Pontifici expedire nō videntur. Summi quidem Pontifices omnes quotquot ante hunc fuerunt sanctissimi, doctissimi, Ecclesiasticæ libertatis ardētissimi, quique facultatem hanc Venetis diuinitus certe primo acceptam concesserunt, atque concessam permiserant, vel inscitia, atque ignauia perpetuè damnandi omnes, vel certe hic solus sanctissimus, doctissimus, Ecclesiasticæ libertatis ardentissimus habendus. Ne quæso plus sapere, quam oportet sapere, sed sapere ad sobrietatem, moderata enim durare vidimus, inflata vero ac tumefacta, crepare, & labefieri sapientissimos Pontifices, qui in ecclesia Dei diu bene regenda feliciter se

gesserunt, deberent posteriores maxime in principio sui regiminis, & venerari, & imitari, non eorum approbationes sanctissimas, ac honestissimas reprehendere, vel infirmare. Quod enim maiores sapientissimi non viderunt, vix posteriores videre possunt, sapientiam enim omnem à maioribus acceptam habemus, de nouo vix aliquid se igitur, parum prudentis Principis est, putare neminem, nisi se imperare scire, impera ndi enim scientia, non dignitatem, aut officium, sed experientiam, atque annos consequitur.

Nec quæso mihi aliquis Ecclesiasticam Libertatem obiciat.

Huic enim ego præter quæ supra dicta sunt, pro Venetorum parte, tuenda, nihil aliud oppono. Illud quod verissimum puto repetere non omitam. Iure quidem diuino Ecclesiasticos scelestos, à Principum secularium censura, ac iudicio, exemptos non esse. Ex Diuo Paulo, iuxta Diuorum Ioannis Chrysostomi, ac Thomæ Aquinatisquisitionem, eisdem Principibus maxime subiectos. Exemptionem huiusmodi omnem, quam Ecclesiastici alicubi dicuntor habere, esse de iure humano positiuo, Pontificum scilicet, ac Principum secularium priuilegio. Pontificum, ac reliquos seculares Principes, non potuisse eximere sibi non subditos. Ecclesiasticos qua ciues sunt, subiaci, his Principibus, quorum Vrbium sunt ciues. Venetos à principio semper in Ecclesiasticos scelestos, animaduertisse, scientia atque Summorum Pontificum, & tacita, & expressa approbatione, exemptionem Ecclesiasticorum à censura, & iudicio Venetæ Reipub. in criminibus, ac grauioribus delictis à Summis Pontificibus, atque aliis Regibus, & Principibus Ecclesiasticis concessam apud Venetos non valere. Valere autem, eam tantum exemptionem Ecclesiasticorum apud Venetos, quæ ab ipsis Venetis habetur eisdem Ecclesiasticis concessa, plura in hanc sententiam asserre est otiosum, adeo ex supradictis Venetæ Reipub. integritas, atque innocentia apparet. in his quæ falsò illi circa hanc controuersiam obiciuntur. Finis itaq; huic etiam quarto capiti imponatur.

Ccc





Responsio

Ad Quaestionem initio propositam.

HIS ita explicatis constat aperte. An satis iustae causae moveant Romanum V. Summum Pontificem, ad faciendum tam dire contra Venetos, Anathematis, ac Interdicti inuentionibus, quas quidem quoniam nemo sacrarum litterarum, aut politicae disciplinae, vel mediocriter tinctus (neque enim haec inter se pugnant) haud satis aequas, videlicet anathemata quoque quae ex his proveniunt, an satis aequas sint, videre potest. Vnde enim Deus menti cuiusque hanc indidit, latini rationem appellant, ut res insolutas & a sensu remotas inuestiget, inuestigatas, diuidat & componat, compositas perpendat, ac diiudicet, ad extremum vltima conferens meditis, & media primis indissolubili, vniuersa rationationis nexu concludat. Nullus hanc vim, ne mens nostra exercere possit, prohibere potest, nemo impedire, ne vera pro veris, falsa pro falsis existimet. idem de aequo atque iniquo in rebus omnibus dicendum, causas quoque quibus Summus Pontifex ad faciendum nunc anathemate contra Venetam Reipub. videtur adductus, si mens nostra, seu potius vis nostrae mentis ratio non satis aequas existimat, atque rationatione etiam ita esse concludat, quis eam, ne ita statuatur, prohibere potest? quis item, interdicere ne excommunicatione propter easdem causas latam iniustam, ac inanem appelleret?

Error certe intolerabilis apud omnes excommunicationem facit inanem, quid intolerabilius, quam invito domino velle in suo fundo, vel agro sub excommunicationis poena, ut quicumque etiam hostes possint templa, vel alia similia extruere? Dominum suis iuribus redditibus, ac dominio privare? Ad alienas leges, ad quas non tenetur aliiingere? Et tandem iure diuino, atque Summorum Pontificum permissu quae illi exercenda competunt, impedire ne exequantur? Haec certe adeo intolerabilia sunt, ut mulierculae etiam ipsae Venetae, fas sibi de his statuere putent: Intolerabilis certe error, intolerabilem poenam, inanem atque irritam reddere debet.

Deum Optimum Maximum huius veritatis iustissimum iudicem appello, cuius oculis omnia nuda, omnia aperta sunt: nullus certe melius ipso, auctores tanti incendi, ac calamitatis, quae vniuerso Christiano Orbi videtur imminere, agnoscit, Summi Pontificis animum, ac consiliarios Venetae Reip. iustissimam causam. Multo sane labore, Christus Christianum Orbem sibi peperit, sanguine, vita ipsa, quam & effundere potius voluit, quam ne, vel centesimam quidem de nonaginta novem ovis amittat. Ne quaeso, ob tam leues causas, modo ne nullas omnino dicam, eundem tam misere, & labi & interire permittatur. Difficile certe est, suam libertatem nulli vnquam prostratam, in rebus mere temporalibus alteri subiicere. Non enim pro toto libertas bene venditur auro, liberi sunt Veneti à principio in his quae temporalem suam auctoritatem concernunt, libertatem eandem co-

cueri, mirum esse non debet.

Acquiescat Summus Pontifex, Venetos suis iuribus sanctissimis vivere sinat. pacem Ecclesiae vniuersae non bella quaerat: Causis anathematis, non equis persequatur, ipsum anathema nullum esse declaret, Sapientis est mutare consilium, congreget, ne disperdat. Ignoscat si quis error est, qui certe nullus esse putatur, non irascatur, quem Veneti si agnoscerent, nihil tale admitterent. Sanctissimi enim sunt religiosissimi, Ecclesiae sanctae obsequentissimi. Neque certe alium his malis mederi decet, quam Sanctissimum. In opinione sunt causae de quibus agitur, quamvis apud plurimos conclusiones putantur. Opiniones anathemate foueri non debent. Cedat Sanctissimus, maior est, maior si cedat, maior gloria reputatur. Maior quantum es inquant sacrae paginae humilia te in omnibus. Et quae se humiliauerit exaltabitur.

Iona profecto in Diui Petri navi modo plus solito fluctuante opus esset, nauatum salutem suae propriae Sanctissimus Vates praeposuit, aliorum vitam cariorum quam propriam habuit. Si tempestas, inquit, haec propter me exorta est, tollite me et proiicite in mare. Christi figuram Iona exhibuit, Christus similia pro vniuersali hominum salute peregit. Necesse enim fuit, ut vnus homo moriatur pro populo, & non ut tota gens pereat. Propriam salutem ad Christi Domini exemplum Summi Pontifices, qui Christum nobis exhibent, debent pro vniuersali Ecclesia effundere, quanto magis eas quae ad salutem non pertinent opiniones?

Fluctuat grauissime Diui Petri nauis, laborat, mare vndique commotum sentit, franguntur remi, prora auertit, vndis dat latus, vela crepant, antennae gemunt, clauo vix regitur, & tamen nullus est, qui ad huc animum aduertat, nullus qui propria salutem pro vniuersali exponat.

Nauis huius rector, Summus Pontifex, (neque enim alia tutior via, ne pereat agnosceretur) debet certe ex ea superflua quaeque, atque ea, quae eam deprimunt, & non essent ericere. Superflua sunt Ecclesiasticis plura temporalia, propter haec, ne fluctuet, Ecclesiasticos secelestos homines, propter quos omnis haec tempestas exorta est, in mare proiciat, tranquillitatem certe ac securitatem suae nauis obtinebit maximam. Hoc Italia, hoc Christianus Orbis vniuersus exoptat. Cedat, cedat Sanctissimus, neque enim alium cedere fas vnquam erit, pater est, filiis indulgeat, pater aliquando filios & barbam ei vellentes exosculatur: Falsa sunt de filiis ad patrem relata, pater ne credat, quaecumque enim filii imponuntur, patris honorem ac familiæ totius Maiestatem concernunt. Hoc patri sit notum, filios igitur exosculatur, amplectatur, obsecratores verò seuerissimè puniat ac damnet. De si iis pater triumphum ne quaerat, filii magis amore reguntur, quam timore, vel minis, Victoria turpis est, vbi maior iactura, quam victoria speratur. Vincere Venetos si Pontifex exoptat, opinioni cedat. Maiorem certe iacturam sui gregis faciet si vincat, quam si perdat. Si enim cedat, salua est omnis Ecclesia, salua religio, si opinio vincere velit, quae certe vix vnquam vincet, reliqua Ecclesia, atque religio penitus intereunt. Vtinam maiorem iacturam Ecclesia Dei his quinque mensibus non fecerit, quam sunt incrementa ac lucra, quae nullo iam tempore fecit.

Rident haeretici nostri temporis, & irident Pontificem, Venetos atantur, sperant multa, optant ut Summus Pontifex in incepto persistat, arma praeparant, equos, student quo tandem modo suas Synagogas, atque conciliabula augeant, ac propagent.

Turcae totius Christiani nominis hostes gaudent, in spe sunt reliquum Christianum Orbem hac occasione suo Imperio, atque signis adiicere, neque enim alia

ratione melius id eis contingere poterit, quam si Summus Pontifex Veneto
 araria exhauriat, quod totis viribus nunc intendere videtur, Venetorum eni
 rariis exhaustis, quis Turcarum impetus, quis vires reprimere poterit, non o
 Christiani Principes omnes. nec possunt Veneti sua araria non exhaurire; A
 themate feriuntur, contra ius, falque omne, verentur, ne hec peiora sequantur
 iurationem occultam timent, litteræ Hispaniarum Regis circumferuntur dat
 Summum Pontificem, subditi interdicto, atque Sacramentorum priuatione
 citantur, suadentur ad futendum contra patres, contra Principem, ratio possi
 ne inopinatos hostis aggrediatur, centurias describunt manus colligunt, præ
 vbiq; disponunt, arces maniant, turres maritimas, machinas, trirèmes extru
 instruunt, præparant, non secus ac si cum impiissimo hoste esset illis agendum:
 stis enim Venetis est, quicunque eis libertatem ac dominium auferre conatu

Hæc in causa sunt cur Veneti sua araria exhauriunt, quæ haud facile exhauri
 omnium autem causa Summus Pontifex Christi Vicarius, Pater Sanctissimus,
 stor Beatissimus; Finis propter quem ignoratur, occultissimus enim est. Ve
 cum pœniteat, quando minus poterit. Sed spero interea, vi huic incommodo

deatur, Venetorum rationibus melius cognitis, atque perspectis, neque eni
 Pontificem bella, aut seditiones decent, pacem enim terris Christus
 attulit, eandem de terris ad patrem ascendens Apostolis Petro, ac
 proinde Petri successoribus, atque Romanæ ecclesiæ Sum-
 mis Pontificibus reliquit. Hanc precor Christus

Rex pacificus nobis im perniat atque
 conciliet.

